



奇門元靈經

全一冊

上海文書局印行

MG

B992.2

16



奇門元靈經



3 2168 3011 1

## 奇門遁甲元靈經序

遁甲之說。論者謂始於黃帝。刪於呂望張良。漢以前往往散見於他書。至於隋書藝文志。始有專書一十三卷。唐益倍之。後漢張衡傳。鄭元既註九宮之說。而南齊高帝本紀云。九宮者。一逢二內三冲四輔五禽六心七柱八任九英。皆有太過不及之占。唐會要元宗三載十月。術士蘇嘉慶上言。請於京城置九宮壇。五數爲中。戴九履一。右七左三。二四爲上。六八爲下。符於遁甲。武宗會昌二年正月。左僕射王起等奏。按黃帝九宮經。及蕭吉五行大義。所謂一宮天篷卦坎行水方白者。與今奇門之言星無異。宋仁宗時。洗馬楊維德纂奇門符應經。今亦罕見。明孝成君有奇門真傳一書。卽今所謂李氏奇門也。仇鸞門下士有林徵士者。以奇門兵占。屢有奇驗。錦衣陸炳序其書。謂之林氏奇門。而陶真人遁甲神書。卽以李林二氏之書。參以他說。而謬紊之者也。近今奇門書所流傳者。不下十有餘種。而衆說紛紜。人樹一幟。敝帚千金。無從別白。或詭誕而不正。或

荒謬而難憑。或言多隱秘。或法少變通。求其近理而不悖聖賢之論者鮮矣。是書之刻。言歸於正。理取可通。其動靜吉凶。生克制伏。皆足以前民用。而輔易道之所未備。而其中一字一義。有兩說三說者。均並存之。至於書符誦咒。似非正道。概從略焉。

光緒九年癸未歲孟冬月隱溪居士書

# 奇門遁甲元靈經

## 目錄

### 卷上

奇門起例

三元符頭

九星

直使

伏身訣

數主吉凶歌訣

奇門節氣八卦圖

附卷末

十干吉凶宜忌

陰陽遁

三奇

奇儀順逆

定用神訣

先天定六親訣

日奇門

八門直事

九遁吉凶宜忌

陰陽各局

六儀

直符

訣曰

演數七要

八卦源流

九宮直符直使

天盤加地盤吉凶

奇門捷徑秘法

九星克應訣

中宮值日九星歌訣

占天時

占晴雨

占晴

占雨

占雪

占歲時豐歉

占地方豐歉

占田禾

又法占田禾

占蝗蝻

占蠶利

又法占蠶利

占地理法

占安葬遷改

造宅三白占家宅歌

占家宅

占起造

占修宅舍

占遷移

占分居

占功名

又法占科名

占歲考等第

占科舉會試中式

占殿試甲第

占武舉

占投武

占納粟

占陞遷

占上任吉凶

占新任地方何如

占歷任歸結

占官員有故降罰

占徵召

占應差

占請假

占領文遲速

占婚姻

又法占婚姻

占招贅

占胎孕

占生產

占疾病

占患眼疾

占壽數

### 卷下

占詞訟

占興訟并呈狀

占官事催提緩急

占刑獄重輕

占罪輕重

占罪人開釋

占出獄

占官事牽連

占口舌官訟

占被訪吉凶

占和事

占出行期

占道途吉凶

占同伴善惡

占店主善惡

占出行

占未出行先定歸期

占登舟

占水陸

占行人

又法占行人

占遠信

在外占家中平安否

占外人安否

占回本鄉

占求財

占求財謀望

占放債

占索債

占借貸財物

占除取給否

占囑託求人

占事成否

占貿易

又法占貿易

占合夥

占生意興隆否

占貿易利息

占贖物產

占走失

占失物

又法占失物

占捕亡

占官差拏人獲否

占捕捉逃走

占捕盜

占逃難

占逃避

占小賊盜

占人謀害

占尋師訪友

占訪友

占訪人

占見貴人

占謁見

占請人遠近來否

占遠客來意

占期約

占訪館

占燒丹成否

占禱祀

占飲食

占牛馬羊驟生齧

占漁獵

又法占漁獵

占鴉鳴

占雀噪

占犬吠釜鳴火笑牝雞鳴等類

占夢兆

占四體動吉凶

占人物

又法占人物

占來意法

射覆

占賊盜敵兵來去

占賊來否

占賊情虛實

占伏兵有無

占賊臨境城可居否

占攻城

占守城

占援兵

占勝敗

占聞報虛實

占來人善惡

占使人探偵

占行間其地

占詐誘彼墮計中否

占出兵領餉

占行兵無水

占行迷路

五符造天關



# 奇門遁甲元靈經卷上

## 奇門起例

其法先分陰陽。次詳節氣。次察符頭。乃以陰陽順逆。分佈儀奇。而得地盤。然後以符頭加用時干上。如前法分佈儀奇。察其符頭在何宮。卽以何星爲直符。又從符頭宮起數。至用時止。卽以何門加於此宮爲直使。而得天盤。設例如左。

假如芒種後癸亥日丙辰時。芒種在夏至前冬至後。爲陽遁。癸亥係芒種下元。是陽九局。順佈六儀。甲子戊在離。甲戌己在坎。甲申庚在坤。甲午辛在震。甲辰壬在巽。甲寅癸在中宮。逆佈三奇。乙奇在艮。丙奇在兌。丁奇在乾。是爲地盤。丙辰係甲寅符頭。故以中宮之癸。加兌宮丙上。爲直符。依次順佈。又以天禽加兌。順佈心柱。亦如上法。又自中宮甲寅順數至丙辰。亦在兌宮。卽借坤宮死門。加於兌宮爲直使。是爲天盤。又如霜降後甲寅日辛未時。爲陰遁八局。逆佈六儀。戊在艮。己在兌。庚在乾。辛在中。

壬在巽。癸在震。順佈三奇。乙在離。丙在坎。丁在坤。爲地盤。辛未係甲子符頭。故以艮宮戊加中宮。辛爲直符。依次逆佈。又以天任加中。逆佈英蓬。又自艮宮甲子逆數至辛未。在坎。卽以艮宮生門加於坎。爲直使。是爲天盤。

陰陽遁

冬至後用陽遁。夏至後用陰遁。

陽陰各局

附一卦管三節

冬至一七四 小寒二八五 大寒三九六 卦屬坎 立春八五一 雨水九六三  
驚蟄一四七 卦屬艮 春分三九六 清明四一七 穀雨五二八 卦屬震  
立夏四一七 小滿五二八 芒種六三九 卦屬巽 夏至九三六 小暑八二五  
大暑七一四 卦屬離 立秋二五八 處暑一四七 白露九三六 卦屬坤  
秋分一七四 寒露六九三 霜降五八二 卦屬兌 立冬六九三 小雪五八二  
大雪四七一 卦屬乾

三元符頭

甲己干加子午卯酉支爲上元。加寅申巳亥爲中元。加辰戌丑未爲下元。

三奇

乙爲日奇。丙爲月奇。丁爲星奇。

六儀

甲子戊 甲戌己 甲申庚 甲午辛 甲辰壬 甲寅癸

九星

一天蓬 二天芮 三天衝 四天輔 五天禽 六天心 七天柱 八天任 九天英

奇儀順逆

陽局順佈六儀。逆佈三奇。陰局逆佈六儀。順佈三奇。

直符

察用時係何宮何儀所轄。卽以何宮之儀及星。加時干上爲直符。

### 直使

察用時係何宮何儀所轄。從何宮數至用時得幾宮。卽以何宮地盤之門。加於幾宮爲直使。陽遁順數。陰遁逆數。

### 定用神訣

以數少者爲先。數多者爲後。不必分時先後。占官以數多者爲先。數少者爲後。

### 訣曰

身居之宮發動時。時先時後任君推。先過去宜宜再運。時後將來應有期。若遇日辰須作主。相逢月建亦同之。年月日時皆有用。事憑遠近定相宜。

### 伏身訣

己占己事卽己身。若問他人便有因。與我有因身是我。與我無涉卽他身。一白入中身在六。二黑入中身在七。三碧入中身在八。四綠入中身在九。五黃入中身在一。但得飛

身顛倒訣。未來過去。明如月。惟有酉居坎不同。一白入中。身在五。戌亥之時。機甚微。今將用法傳今古。

五爲戊己大煞。常人不用。酉亥戌皆係一白入中。身居五。

### 先天定六親訣

青龍發動定求財。田宅明堂父母排。詞訟天刑官鬼事。文書朱雀遠人回。天財金匱成交易。天德恩星官祿來。白虎武名主口舌。功名定是玉堂裁。天牢奴婢同六畜。玄武陰宮妻妾陪。司命子孫爲福德。勾陳疾病不須猜。

### 演數七要

一曰數宮。二曰數主。三曰飛星。四曰入門。五曰直日星。六曰日干。七曰時支。凡看數遁至本時之星。卽爲數主。看他落在何宮。最爲緊要。又看臨到本宮之星。善惡如何。門宮吉凶如何。其值日星符。并日干時支。俱要細推。

### 數主吉凶歌訣

演數先將數主看。主居生地事無難。若居難地非容易。得遇和同更喜歡。假如數在乾宮。黑星爲主。遁於離爲生。遁於震巽爲難。遁於艮坤爲和。數宮雖好。數主受難。則事難成。若數宮雖凶。數主居於吉地。雖凶無害。

日奇門

甲子乙丑丙寅一宮起休 丁卯戊辰己巳二宮起休 庚午辛未壬申三宮起休 癸酉甲戌乙亥四宮起休 甲子  
子丁丑戊寅六宮起休 己卯庚辰辛巳七宮起休 壬午癸未甲申八宮起休 乙酉丙戌丁亥九宮起休 戊子  
己丑庚寅又一宮起休 辛卯壬辰癸巳又二宮起休 甲午乙未丙申三宮起休 丁酉戊戌己亥四宮起休 庚子辛丑壬寅六宮起休 癸卯甲辰乙巳七宮起休 丙午丁未戊申八宮起休 己酉庚戌辛亥九宮起休 壬子癸丑甲寅還一宮起休 乙卯丙辰丁巳還二宮起休 戊午己未庚申還三宮起休 辛酉壬戌癸亥仍還四宮起休 其法亦以本節三元定局作地盤。再以本甲旬頭。加本日干上論數。視三奇方。本甲旬頭卽直符也。直符之上星。加本日干穿宮數去。陰遁奇直皆逆。星門皆順。截路空亡。甲己申酉空。乙庚午未中。丙辛辰巳上。丁壬寅卯同。惟有戊癸日。子丑永無踪。時忌出行。

## 八卦源流

奇門一宮。乃坤老陰之位。陰氣至此而極。陽氣至此而生。卦起於子爲陽。陽來復之地。天一生水之宮。其卦爲坎。其事爲陷。占事如在半途。合洛書之一數。故坎一。

二宮乃巽。陰氣自下而生。陽極而陰漸長也。卦起於申。爲萬物致養之時。炎涼相接之位。其象至柔。其卦爲坤。占人凡事宜順。取河圖之一數。加一倍而補西南。合洛書之二數。故坤二。

三宮乃離。而陽二間一陰。陰陽乃相半也。卦起於卯。爲天地鼓動之時。萬物發明之會。震雷陰中。其卦爲震。占人有謀動之功。天三居東。合洛書之三數。故震三。

四宮乃兌。陽氣盛長於內。陰氣退消於外。卦起於己。萬物潔齊。已立者生榮。未萌者不長。其象爲八。其卦爲巽。占事先達後塞。折河圖之天七。除四十五。而補東南。合洛書之四數。故巽四。

五宮位中。寄生西南。陰寄東北。爲陰陽休息之地。天地歸宿之方。占事不能伸理。故曰

中五。

六宮乃艮。陰氣盛長於內。陽氣漸退於外。陰多而陽少也。卦起於亥。爲天氣凜冽之時。萬物惕息之會。其象爲戰。其卦爲乾。占人凡事當慎。取河圖北方之成數。而補西北。合洛書之六數。故曰乾六。

七宮乃坎。二陰而間一陽。陰陽相半。卦起於酉。爲月入之門。萬物至此而銳。賞罰至此而斷。其象爲澤。其卦爲兌。占事主口舌官訟。陰謀外泄。合洛書之七數。故兌七。

八宮乃震。陽氣自下生。陰極而陽長。卦起於寅。地氣至此而盡。人事至此而興。爲萬物成始成終之會。其象爲止。其卦爲艮。占人進退不離其居。以河圖東方之數。而補東北。用四倍八。合洛書八數。故艮八。

九宮乃乾。老陽之位。陽氣至此而極。陰氣至此而生。卦起於午。爲地二生火之宮。萬物相見之時。其卦爲離。其義爲麗。占事有不正之義。取天一地二之數。三三而得九。合洛書之九數。故離九。

## 八門直事

坎爲一氣始生之地。玄都之宮。壬癸旺水位而成。冬木資之以生。火逢之以滅。土遇之以潤。金用之以寒。爲正北一白。有休門主之。陽氣升布。萬物滋生。修造吉。治兵行軍謀望遠行。謁貴。皆爲亨通。

陽日出此門。得逢陽貴。陰日出此門。得逢陰貴。紫碧之衣。旺則見富貴人。休囚則見貧賤人。不然。或見交爭。若到離宮。則上尅其下。謂之大凶。迫。

坤受六陰之氣。配厚載之德。立秋漸涼。萬物將殞。金遇之則生。水遇之則澄。木遇之則藏。火遇之無光。地氣下降。爲西南二黑。有死門主之。

陰氣太盛。只宜刑戮。葬弔。遠行主病。再逢凶星。應必遇患人。或哭聲。行到坎宮。因財爭鬪。上尅下爲宮迫。大凶。如閏四月二十九日癸亥日丙辰時。在芒種下元。甲寅爲符頭。天禽爲直符。死門爲直使。皆到七宮。正西坤之神。余自城南向西。走至半路。果見殞喪。是應候也。凡遭官訟。大忌出此門。

震居蘭臺之宮。雷霆發泄之處。春和大布。陽氣正通。甲乙正位。盛茂森森。金遇之則傷。水遇之則潤。火遇之則焚。土遇之則培。爲東方三碧。有傷門主之。

宜出師執揜。報仇討叛。漁獵。出此門見火光。或伐木人。則凶。逢盜賊至坤爲宮迫。艮亦凶。如崇禎辛巳四月十八日。大寇數萬掠萊蕪。吐子口安營。衆鄉紳舉義兵。拒之未勝。夜使人問我出兵之策。時癸亥日亥時。在立夏下元陽七局。是甲寅符頭。至亥時得冲傷門爲星。宜出東方。果如所言。夜大破之。餘黨悉平。要知九星各有所宜。不拘伏吟。

巽四爲薰風。春夏交接之時。六陽數絕。陰氣將泄。金遇則伐。水遇則墓。火遇則炎。土遇則庫。木遇則林。萬物鼓舞。爲東南四碧。有杜門主之。

杜者塞也。不宜行誅戮。逃亡難追。路逢遇凶人。如隱逃匿迹。有神助。出此門。定逢男女并道士。或患手足人。若至坤艮。百不遂。

中曰黃庭。爲戊己之位。五星齊耀。載接八方。承續四季不正之氣。有死門主之。

乾德天象之體。陰氣受盡。百靈成就。閉塞之時也。木遇之則淺。水遇之則清。火遇之則塞。金遇之則剛。土遇之則潤。爲西北六白。有開門主之。

宜遠行征討。交迎酒食。出此門路逢茶酒。或見貴人。遇至震巽。主口舌。

兌西澤梁。爲庚之體。嚴金一布。萬木焦黃。金遇之則光。木遇之則死。水遇之則涸。火遇之則亡。土遇之則培。爲正西七赤。有驚門主之。

宜啟閉攻敵。彼敗我勝。吉事則危。凶事則貞。強行遭擒。出此門逢患。脚疾眇目。人或聞恐怖交爭。若到震巽。禍患立至。天行殺氣甚凶。

艮土山。陰陽回運。生成之功。天道大通。金遇之則朗。木遇之則萌。水遇之則正。火遇之則溫。土遇之則精。爲東北八白。有生門主之。

凡謀得就。謁見貴人得親。不宜侵伐。主受天刑。此門下取水。灌入樹則死而復生。如出此門。得逢巧藝。或皂衣。獨行車馬。紫黃衣人。若至坎爲迫害。有文書官刑事。離居丙火。丙丁之精。純陰交結。火炎氣升。金遇之則鎔。木遇之則化。火遇之則興。土遇

之則燥。水遇之則死。爲正南九紫。有景門主之。

宜選兵獻策。突陣破圍。遠行主中道夭亡。出此門必逢人赤鬚。烏噪追呼。或遇酒食。若至乾兌上。主有乖異事。

### 九宮直符直使

坎宮休門爲直使。天篷爲直符。名子禽。主水主盜賊。占賊當用

利安邊築城。屯營建寨。安墳立塚。春夏吉。秋冬凶。值此日之時。必有黑雲至軍前。以助兵威。赤雲主勝。青白黃雲俱不勝。得日奇吉。月奇如常。星奇大吉。若起造移徙婚姻傷。若商賈遠方。必遇侵害。

坤宮死門直使。天芮直符。名子成。主火土。

宜結交受道。行戰伐之事。此日時黑雲吉。白青雲不利。赤雲有賊。月奇乘之。可脫厄。星奇可解。攻判武。

震宮傷門直使。天冲直符。名子翹。又爲雷祖。

能出軍雪仇。破圍攻敵。威鎮八方。若嫁娶不吉。主傷財。上官利武職。春秋不吉。修造不利。此日之時。有猛風激雷。兵可取勝。日奇星奇吉。月奇武事亨通。

巽宮杜門直使。天輔直符。名子卿。

宜守道安身。修禮設教。揚兵興師。春夏婚姻移徙吉。秋冬不利。此日之時。有青雲吉。黑白雲不吉。三奇遇之。凡謀皆利。

五中宮

陽陰遁借死生

門直使。

天任

爲直符。本宮天禽。名子公。

宜書符作法。祭祀戰征。移徙商賈。埋葬文官。上任大吉。秋冬吉。春夏凶。晴明用兵吉。三奇遇使。百謀尤吉。

乾宮開門爲直使。天心爲直符。名子囊。

宜書符合藥。秋冬吉。春夏凶。得奇大吉。

兌宮驚門直使。天柱直符。名子韋。

宜固守。餘不利。如有青雲。出軍自亂。赤雲黑雲防奸細。黃雲有驚恐。日奇隱匿無

跡星奇吉。月奇凶。

艮宮生門直使。天任直符。名子申。

宜行軍嫁娶。上官謁貴吉。修築不利。春夏吉。如有微雲。八方皆吉。得奇吉。

離宮景門直使。天英直符。名子威。

宜遠行獻書。餘不利。此日之時。有赤雲不用。得日奇雷聲應之。月星二奇不吉。若休囚廢沒。出門當呼其星神從護吉。如出天篷。卽三呼子禽也。

若欲遠行出門者。皆從吉門向方。呼其星之門而出行六十步。左回太陰中大吉。

### 十干吉凶宜忌

甲爲青龍。爲天福神。王文陽陰二遁。凡事遇之。皆爲上吉。補遺

遠行謁見貴人。求官商賈吉。戰利客。不宜嫁娶移徙。陽星吉。陰星不利。伏吟不忌。

聞事不實。

乙日奇。天德神。龍文

宜移徙。上官交易。不宜行威。此時聞事不實。

丙月奇。天威神。杜仲卿

吉星臨之。無庫墓無受制可用。此時聞喜實。聞憂虛。

丁星奇爲玉女。天女神季游卿三奇中最靈者。

宜入市。逃亡隱匿。不宜用兵。此時聞憂虛喜實。

戊爲天門。爲天武神。司馬羊

利遠行用兵。不宜上官商賈。此時聞吉實凶虛。

己爲地戶。爲明堂神。紀游卿

宜上官遷調。利陰私密圖。此時聞吉虛凶實。

庚爲白虎。爲天獄神。郭陽之

諸事不宜。兵惟固守。

辛爲天庭。又爲天庖神。高子強

行軍主勝。上官先吉後凶。諸事不宜。聞憂喜平平。

壬爲天牢神。王祿卿

諸事不宜。聞憂喜俱虛。

癸爲天藏。爰子強又爲天網。

諸事不宜。只宜隱跡埋名求仙。丁巳癸三千臨六合宮。宜逃亡。臨太陰宮宜伏藏。臨九地宜屯守。此乃善用癸者。克天網之咎。此時聞事並虛。

### 九遁吉凶宜忌

天遁生門丙加丁。生門六丁臨九地。休門三奇臨太陰。亦名天遁。

其方若得日祿。合成貴神。天空天恩天赦。百事皆吉。若逢日破。諸事不利。得日鬼萬事糾纏。如得天罡河魁。忌行船過水。得此遁可使六丁呼風致雨。

地遁開門乙加己。六丁休加九地。三奇開門加太陰。亦名地遁。

有朱雀見文書月破。登明神后出軍不利。太乙勝光逃亡被獲。白虎有瘡疾之災。

天后太陰。出門拾金銀財物。日鬼臨之。有人來尋。神后魁罡。女人犯姦。青龍風伯。主有風雨。太常大吉。主山中出龍。勾陳主兵起。六丁可隱形修築。諸事亨通。

人遁太陰合休丁。三奇生門加太陰六乙。生門加九地亦名人遁。

見白虎過河沉船。勾陳朱雀鬼神爲祟。大吉小吉有風雨。日祿出門逢貴人。日合百事吉。風伯雨師雷電大作。魁罡同位。災患有侵。

風遁六丁休加癸。在巽乙奇三吉門加辛到巽辛。加三吉門到艮癸加休到巽。

見朱雀主訟。天后六合功曹。有婚姻之喜。白虎魁罡主委靡。天空登明凡事中正。得青主折傷。騰蛇主沉水。月厭主火災。天后主婦淫。魁罡加之。刑名不利。此遁可以招風助火攻。又云龍遁亦借丁和景。一躍雷門振羽翰。

乙壬生門同臨坎。龍遁之時雨淋漓。生門下臨六合上得天心。乙奇休門加坤方。或開門加九地宮丁休門加坎方皆名爲龍遁。

有玄武天后盜賊奸私之事。風伯雨師主霖雨。日破有大水。日鬼馬宅中有鬼作祟。日祿日合諸事有成。日刑冲一無所遂。騰蛇朱雀勾陳。凡事虛纏。青龍神后水

聚江津。登明河魁。雲雨不深。天罡加孟雨淋淋。利水戰。

乙生加艮辛虎遁。庚門臨兌辛三合門。加九地艮方。皆虎遁。

得青龍大不利。有凶。河魁天空不見。見白虎有大風。神后元武出兵大吉。見月厥

不可先動。日祿日馬主得財。貴人三煞大戰大功。又云虎狂位遇丁景制叱咤風生上將壇。

鬼遁關休丁加乙。休門六辛得天輔丁生門加太陰丁生門加九地到乾丁休門到艮皆為鬼遁。

得朱雀太冲。宜書符壓鎮。河魁螭蛇天罡從魁勾陳。主鬼神妖邪爲祟。六合主驚

恐怪異事。遇日馬。宜祈神還愿。日合作事有成。日破日盜失財物。見白虎主盜賊

事。登明主口角產業爭訟。太乙太陰宜修整塋壙。日破凡事不吉。天鬼作虎。有瘟

疾傷人。宅中有鬼聲驚人。

神遁九天丙火生。六己開門上合天心丙奇生門。加九天乙奇開門得天心皆神遁。

有大吉小吉。可驅神遣將。白虎元武有大風。日祿在丙。宜讓福。神后天后登明。宜

祈禱神明。太乙太冲太陰。不可禮神。反有凶災。從魁河魁六合勾陳。可設壇請神

必降臨。傳送朱雀宜祭祀。却煞白虎有雷傷人。天空太常太陰六合貴人功曹。可  
以求貴求名。再有日合事大利。

凡作事九遁爲上吉。詐假爲次吉。三詐五假各宜其用。隨事而取之吉。

如三奇加九地。爲重詐。利取財。加太陰。爲直詐。宜行功。三奇吉門加六合。爲休詐。宜合藥。景

門合乙丙三奇加九地。一說加九地。爲天詐。宜進謁。杜門合丁己癸臨九地。或陰太陰六合。

爲地假。利伏藏。逃亡。六壬合驚門臨坤。或驚門六合下臨九地。爲人假。宜掩捕。一說丁己合。是名。

物假。丁奇太陰合杜門。下臨六己。或乙奇傷門加六合。爲物假。宜陰私。謀密事。死門朱雀六

己到艮方。或杜門丁己癸加太陰。爲鬼假。宜埋葬。一說己癸二星。六庚傷門到巽宮。

爲神假。私行利用。問諜之事。

### 天盤加地盤吉凶

天盤甲加地盤甲。雖曰伏吟。然有青龍出土之象。但吉凶不定。惟

甲加地盤乙。即爲青龍入雲之格。再得三奇吉門。嫁娶必生貴子。星干不利。徒有虛名。

甲加地盤丙 青龍返首格。動作大利。

甲加地盤丁 青龍照引格。再得吉門。宜謁貴求官。

甲加地盤己 青龍合靈格。得星吉。有財青。

甲加地盤庚 災禍生於不測。

甲加地盤辛 青龍失意格。得門吉。星財吉。

甲加地盤壬 青龍入網格。陰人得之。主不和。

吉甲加地盤癸 青龍華蓋格。門合星吉。

天 乙加地盤甲 陰中反陽。得凶星傷。

乙加地盤乙 日奇伏刑格。不利求名。

乙加地盤丙 奇儀能順格。逢吉星遷官。

乙加地盤丁 朱雀入江格。受墓主。

乙加地盤己 日奇入霧。土木相尅。

乙加地盤庚 日奇受刑主爭財成訟

乙加地盤辛 青龍逃走格主財失逃亡強為凶甚

乙加地盤壬 萬事皆屯陽人失財陰人有病

乙加地盤癸 破財萬事破傷日入天網官事

天盤 丙加地盤甲 青龍得光星符相合喜慶非常飛鳥跌穴格百事吉

丙加地盤乙 官為入遁升受祿

丙加地盤丙 奇中奇奇人招官有蹊蹶之事貴人招人官祿

丙加地盤丁 奇日太陰文書途望百事如心

丙加地盤己 火入勾陳刑名不利

丙加地盤庚 織女尋牛郎奸私冤訟

丙加地盤辛 朱雀入獄官人失位常人受刑

丙加地盤壬 丁壬化木進祿之喜主事和美

丙加地盤癸

朱雀沉吟公私不合兩事有傷。

### 奇門捷徑秘法

門中逢一白。天地人皆吉。求名名自成。問利利須得。死傷莫出兵。休景橫逢食。會日咸池星。必然貪酒食。門中逢二黑。常見雲迷日。人怕有災危。財憂有得失。若臨劫殺宮。夜夜防盜賊。食祿與祿成。逢人撞酒食。門中遇三碧。舌口常如蜜。問事總遲疑。行兵看緩急。相逢月白人。男女休相及。傷驚會見時。夢裏有悲泣。門中逢四綠。家裏有人哭。震巽起風生。兌乾應動木。休生死可行。開景書堪讀。若遇死傷門。災來不可贖。門中逢五黃。事有喜非常。人稟乾坤氣。堂開日月光。武臣侯伯第。文昌狀元郎。縱其死傷地。連綿慶澤長。門中逢六白。百事堪言吉。不作榜頭人。也是皇家客。出陣自然贏。門凶亦莫出。相逢衣白人。酒食財相識。門中逢七赤。火燭瘡疽毒。轟轟雷電聲。頃刻爲紅日。家中司命人。五靈官顯赫。跌仆路途中。爭官遭杖責。門中逢八白。出入皆爲吉。陰人甚有情。四海多相識。出陣與行軍。死傷門莫出。男白女玄衣。相逢有喜色。門中逢九紫。家裏應添喜。

讀書人做官。貧兒賤防死。將相正當權。僧道無如比。女必是佳人。男必是才子。

### 九星克應訣

門中見太乙。星曜號貪狼。賭博錢財盛。婚姻大吉昌。遠行無阻滯。參謁見賈良。出行三五里。著皂辨陰陽。門中見攝提。百事必遲疑。相生猶自可。相尅有災危。遠行多不利。耕種損牛犁。死門若相遇。老幼哭悲啼。門中見軒轅。作事必牽連。相生能救助。相尅受憂煎。遠行逢阻滯。賭博要輸錢。出行三五里。遇見一官員。招搖杜木屋。當門事不成。出門三五里。陰人口舌迎。怪夢虛驚怕。門鳴屋作聲。前行十數里。必見二親人。五黃號天符。當門婦女誣。相逢無佳事。行人住道途。逃亡難覓見。道遇一尼姑。前行七八里。親故見相呼。門中見青龍。謀事喜衝衝。投人逢酒食。賭博見興隆。更遇相生位。錢財不得空。前行七八里。醫士道旁逢。星曜號咸池。當門並不宜。出行多不利。相尅有災危。賭博金輸盡。求財空手歸。縱遇相生位。還防是與非。門中見太陰。百事喜相尋。財祿求皆盛。知交可是親。出門七八里。牽牛小子臨。佳人若相見。一笑值千金。門中見天乙。百事喜相生。

求財皆順利。茶酒盡來迎。出門十數里。相見孝衣人。婦穿紅紫服。挈抱小兒行。

### 中宮值日九星歌訣

一白太乙號貪狼。用事求謀大吉昌。身命值之各利順。貪財好色酒盃長。巨門二黑主多災。進退無門病可哀。身命遇之終不利。如從空裏夢中來。祿存三碧主財傷。百事謀爲盡渺茫。身命遇之須有患。明傷暗死切須防。四綠文曲在中宮。出陣謀爲並不通。勿論王侯并將相。漫勞心力未成功。五黃廉貞恐有迎。甯靜安居莫出行。婦女小人陰作耗。病宜拜禱謝神明。六白武曲可求財。出入亨通事事諧。身命遇之當百順。災星退散福星來。七赤破軍行不宜。蛇虎橫災最可危。身命數凶防火燭。其間用事要乖離。八白左輔是太陰。直日無憂坦蕩行。身命遇之尤大吉。行兵百事盡亨通。九紫右弼是貴人。求謀用事自然成。行兵獻策無憂慮。時時功名受大恩。

### 占天時

天地風雨九遁問。端倪脫兆妙難言。吉凶悔吝從生克。索隱鉤深理自然。六儀二奇分

順逆。八門九曜遞循環。如能窮此陰陽理。何問天仙與地仙。二三五八多風雨。四九局  
中春日暘。一六七防陰滯氣。細推凶吉格中藏。夏日炎天不若春。三四二七恐多驚。不  
測雨聲五六九。局中一八日暉生。秋來坤艮日光移。乾兌巽宮風雨漉。二三四九彌漫  
雨。坎若逢之閃電霓。直符逢芮不宜冬。靈霧陰雲日不紅。五六三內多風雪。四七八局  
好天宮。一遁乙丙加休門。天開霞彩悅人心。秋有微風能透骨。冬來肅殺雨沉沉。二遁  
乙丙在開門。春夕秋時多蔽形。夏日雲霓多霽晴。騰蛇元武半陰晴。三遁四遁丙庚休。  
若逢夏令雨陣行。逢秋掠地風聲振。春日秋冬朗朗晴。五遁丁癸加休門。春夏飛沙日  
漸昏。冬景倏然成雨雪。秋虹電霰後開雲。六遁丙戌加乾宮。夏雨秋風春日紅。再逢驚  
柱臨冬節。狂風颯颯雪飛空。七遁辛加乙上艮。揭地掀天春夏中。風雨互加秋令集。冬  
天開霧暖融融。八九雪宮互六七。風雨龍虎一般同。細詳微理分凶吉。不遇門符應勿  
從。天篷飛入艮宮來。東北烏雲一朵栽。休使加臨天任上。東方黃氣滿樓臺。生任加臨  
在坎宮。黃雲北上起穹窿。蒼雲東北眞華麗。禽芮加之分任同。冲傷加艮在巽生。東北

烏雲帶紫黃。直北雲霓皆縹緲。東南西方盡光芒。艮宮杜輔直符臨。烟霧騰騰紫氣生。東北方生雲障膩。北方又有一輕清。英景加臨乾位上。西北雲霞彩映紅。東白北黃青。在此直符克應量無窮。芮禽若也到休門。北起紅黃東淡雲。坤宮上有青藍氣。西北烟塵紫霧生。驚柱直符臨震地。霓雲白上又加青。夏天四下浮雲起。驟雨狂風布陣驚。心開巽上加直符。四處生雲氣障魔。北霧南烏西紫霓。坤艮黃雲上不多。休篷離上直符迫。黑色迷南氣漸回。西有青雲冬淹水。北方紅紫共徘徊。直符震位加驚門。碧綠從西雲霧青。東白向雲渾四散。巧雲應在北方生。坤艮宮中遇杜輔。藍雲翠碧四方多。淡紅在兌黃在巽。點點斑斑良不差。景加英兌起紅光。白氣淹淹東北方。巽上淺黃加綠色。如逢生旺月華崗。芮禽入震在冲傷。東起黃雲兼白光。南嶺素縞帶紅色。西南西方黑蒼蒼。驚居天輔素羅雲。南有紅光白帶輕。乾上青雲常聚散。坤方黯淡霧沉沉。相生相尅觀明色。旺相休囚辨得真。

占晴雨

此時遇陽門陽星。飛臨陽宮。又有火星土星同宮。必定久晴。如陰星陰門。合水金星及壬癸休門。飛臨陰宮。二局並合相生沐浴者。主大雨如注。若遇景門土宿飛臨者。主雨時有時無。或日中下雨。如陰星陽門加於陰宮。或陰星陰門加於陽宮。主半陰半晴。若壬癸及甲子辰日時。天篷休門。亦主有雨。若遇火星土星。不逢水日時。並沐浴者。無雨。若遇水星沖合。當有大雨。若論風雷雨雪閃電星月雲霧。詳交節日時而可知也。內有口訣。

### 占晴

占晴以天輔天英爲主。蓋天輔爲風伯。天英爲火神也。雲雨以風爲散。以火爲晴。如天輔天英乘旺相。落離九宮。或尅落宮。或克日時二干。主晴。如天英乘旺相。落三四宮。或克日時干者。亦主晴。元武白虎主雨風。以頂盤八貴神兼看。無不准驗。其日期亦以火神風伯所落宮。分係何干定之。

### 占雨

占雨以天柱爲雨師。天芮爲閃電。天輔爲風伯。天冲爲雷祖。天篷爲水神爲雲霧。壬癸

二干亦水神也。天筮遊於坎兌震。乘壬癸遊於坎兌震。或柱天冲乘壬癸二干遊於坎兌震二宮。皆主雨也。又天輔天英所落天上宮。尅地下宮。必然雷雨交作。又看天柱等所落宮。得何干支。以定其日期。與直符近則雨速。遠則雨遲。遊於坤二宮。主密雲不雨。卽遊坎兌震不乘水神。亦無雨也。

如未日子時。天冲爲直符。甲辰壬在二宮。上乘六壬。下臨地盤天冲。亦有壬字。上下皆水木之神。壬子時干。天柱七宮爲直符。主當日雨。

如秋分兌上起甲。次第數到壬七宮。故曰天兌。爲兌坤直符相連。故主當日雨。

### 占雪

占雪。雪者凝陰也。水而有寒氣。乾兌二宮主之。或天心乘壬癸二干到兌。或柱乘壬癸二干到乾。皆主雪。各以落宮所得之干。以定其期。

### 占歲時豐歉

年通宮中一星

一白居中。半多雨雪霜露。五穀豐登。人民無災。國泰民安。

二黑年交。陰雨風烟霧。人口有災。國家有患。物西南方主荒。  
三碧年多風雷。物歉。東南熟。西北荒。民有風寒之災。多盜賊。

四綠之年。有雨水。江南熟。江北荒。人民有小災。

五黃之年。雨暘不時。人多瘟疫。荒熟各地不均。

六白年。雨暘時若。國泰民安。

七赤年。民遭旱熯。五穀不熟。西方荒。北方安。江南不利。

八白年。雨水多。五穀熟。八方寧靜。國泰民安。

九紫年。風調雨順。國泰民安。江南小旱。

若三白在巽離坤。南方熟。在乾坎艮。北方豐。在震兌中宮。天下俱美。

### 占地方豐歉

立春日某時交春。看九宮以分九州。見九州有何星。奇。卽知之。坎一冀州。晉魏分。艮八  
兖州。韓鄭分。震三青州。齊分。巽四徐州。魯分。離九梁州。吳越分。坤二荊州。楚分。兌七梁

益州衛分。乾六雍州秦分。中五豫州宋分。天篷所臨之方。主瘟疫春作。百姓流離。夏水漂沒。奇神救之減半。天芮所臨之方。奇神加之。人不爲災。七分收成。若加凶宿。人瘟物死。五穀不登。天衝所臨之方。吉奇加之。五穀半登。惟宜菓實。春夏人物災傷。天輔所臨之方。在吉處。五穀大成。人民安樂。若加凶宿。主大風溢損傷。天禽所臨之方。在吉處者。主五穀大豐。人物蕃盛。若加凶宿。主長吏不寧。貴人移動。夏初瘟疫。天心所臨之方。有吉宿者。主秋禾熟。長吏貴人頻受恩喜。凶星加之。春種雖多。夏秋水澇。天柱所臨之方。在吉處半熟。人民瘟疫。加凶宿。有蝗虎流火爲災。秋冬尤甚。若有三奇。德有餘慶。天任所臨之方。大有吉慶。奇神加之。主生芝草祥瑞。及賢人在位。加凶處。五穀半熟。人雖災而無死。天英所臨之方。亦有祥瑞。得生旺地。五穀熟。人民安慶。在克處或凶宿加臨。主旱涸災殃。春種夏枯。凡天乙所在之處。其歲事吉。

占田禾

占斷田禾。以休門合於木土之上爲吉。更得三奇及干見合。則有利。年景豐齋。專看天

任。如天任落艮震宮。主年豐。再得青龍六合功曹太冲。主四民樂業。若天任不落艮震二宮。主歉收。再以貴神月將分旱澇。天任所在。有傳送天后主澇。又生門主麥。傷門主穀。看三奇太常功曹貴人。在生門宮則收麥。在傷門宮則收穀。占栽植死生。以天冲爲花草。天輔爲樹木。各看所落之宮。旺相主生。休囚主死。生爲生。尅爲死。吉格爲生。凶格爲死。旺相吉格。生草木茂盛。休囚凶格。尅草木焦枯。吉凶相半。先後榮枯。壬癸戊己來生者。爲活。不生者死。又三爲生。五爲死也。

### 又法占田禾

此時合生休二門。與乙丙丁並六儀臨長生旺祿之鄉。而合吉格。其年大熟。如合景英心開加於土木之宮。或門尅宮。或上干尅下干。必然無收。如木星尅宮。多蟲並風災。如火星金星尅宮。多旱災。或金風所傷。如水星多壬癸。或日時皆水。或陰星陰門。加於陰宮。必多雨水。連綿水災。如諸星尅制。或生死二門宮者。其年未熟。如門尅宮。或逢庚辛相制。雖收必有賊盜。若合凶格於命宮。如墓絕。或朱雀者。因田生非。破財官事。

占蝗蝻

死驚杜傷臨日干則來。非此則不至。

占蠶利

此時得吉星。干支門宮相生。加臨金木之宮。而合吉格。下不尅上者。有十分之利。若遇凶格門迫。加於金木宮。上下相尅。是必無利。如合凶格。得門生宮。或合吉格。或門尅宮。只有五分之利。

又法占蠶利

三奇吉門吉宿。全於金木之宮爲吉。須要不尅上宮及門爲良。若吉門星奇皆不至金木宮。更尅正宮星與門。收穫寡。

占地理法

地理有形皆有法。分門定局預能明。相生圓活並長厚。相尅淺斜尖狹輕。天篷方滿帶奇刑。天任高岡驛路深。得過奇門園徑在。相逢凶格擬墳墩。天冲樹木多叢雜。天輔三

又近閣亭。天英窳窳兼枯澀。廟宇溪溝在芮禽。天柱橋梁并曲逕。園林寺觀合天心。休門淹水井泉多。道路橋梁生上過。傷門鬧市兼亭院。杜上斜溝曲澗波。景上錦繡直罕見。四圍土阜有山窩。死門山野兼林木。葬有長堤對酒壚。驚門灰塹兼污穢。開處通衢入畫圖。時池高低多短長。且使符使總端詳。時旺相得加倍算。休囚失令照尋常。門迫受傷囚減半。路逢遠近有規方。錙銖瓦礫穿物色。更把天星合地詳。傷冲大小兼三四。杜輔中分五六纖。休篷一六數爲先。生任排來七八間。惟有景英三九數。芮禽死使二三連。驚柱數中應二七。開心六九勿虛言。休囚旺相從心豁。雖得千金莫浪傳。符加丙上生穿地。黃玄物色自新鮮。加休土塊深青紫。開若逢之見水津。加驚壕壑疑堅石。加上生穿地。黃玄物色自新鮮。加休土塊深青紫。開若逢之見水津。加驚壕壑疑堅石。加死多年骸骨深。加景微塵兼灰土。杜門擊甕飭刑傷。傷上一宮殊物異。遠年朽木地煤坑。丙加符甲在開門。地色紅黃霧氣騰。休門有水多漂白。生上頑磚及古墳。傷門枯木兼藤蔓。杜上禽毛氣赤青。景門板龜泥枯壑。死門布帛賤衣襟。驚上鎖匙塵鐵索。傍邊兼有石灰瓶。丙丁如加天任宮。土中沙起色黃紅。冲星若也來相遇。蒲包草席有形踪。

輔星繩索有連鈔。英上加之器是鈔。芮禽穿下多文墨。更有車轅與草茸。天柱臨之有貴物。非絲非帛擬錢筭。天心奇物投嫌墓。墮壞錢財未落空。天篷沙石泥無實。如掘淵泉水溢冲。丙己加生土色黃。如加傷位色如糖。杜門碧綠還兼紫。景亦斑斑點血蒼。死門亂石兼磁器。土色玄紅不是良。驚門如鏡有明亮。輕浮白色是開方。休門色若汚泥黑。再看天星辨隱藏。丙加庚兮癸入白。八位移來有吉凶。休門不可利言凶。蓬宮之宮非吉得。如生怪石勢嵯峨。加震穿尋多發積。杜門鐵索與香爐。加尸棺有汚骨。驚門灰爐飛又沙。玩器巾杯開上集。庚加丙上白入災。開門加之不一同。簪頭器皿并鈕釦。土色穿來定赤紅。休加土色如牲血。毀筋殘盃在良宮。傷門狸洞兼蚯蚓。杜上青森亦草蟲。景門乾燥如螺蚌。死上絲羅不尙空。驚門枯井堆磚礫。此格由來多咎凶。青龍逃走乙加辛。開遇乘龍擬寶珍。休門吐血藏牲骨。生良黔啄是羽鱗。傷門遇遁多清潔。菓核桃李在杜門。景上蛤蜊兼骨梗。死門旺相小尸靈。羊角如雞驚上得。更兼蛋壳應如神。辛加乙上號猖狂。生杜宮中仔細詳。七八局中如合此。回凶轉吉不尋常。辛加傷上土

色青。地中蛇穴洞何深。景門橋木并盃甲。黃土沙泥在死門。驚門鐵甕多白色。刀柄槍頭開位臨。休門駝物兼色骨。生杜門中地可欽。癸加丁上蛇夭矯。若遇休門氣漸消。開門物貴形如朽。驚上川流水自滔。死門畜骨兼牛角。景得奇門有滔滔。杜門樂氣兼口鼎。傷門有木魚不敲。生上一宮無外物。木梳毀折破磁稍。朱雀投江丁加癸。如加死上古坎基。驚和加水無泥溢。開上穿來舊石灰。休門疑有頭枯骨。生遇篷之死犬貓。傷門墮板無丁釘。杜有山林古石碑。景門錦雉直文彩。土色紅黃地穴奇。

### 占安葬遷改

補遺

此時日合貴人祿馬。合山頭神龍。生旺有氣爲主。如某龍旺於某季。在春夏秋冬二十四氣之內。按陰陽二遁取用日時。合太陽照臨向坐。若太陰太陽映照更美。其乙丙丁六儀。不臨墓絕之時。合於吉格。與亡命祭主。山運分金。補泄得宜。水口相生相合。並門宮有奇。得死景生門到坐。餘門到向相生。乃萬全之吉也。

### 造宅三白占家宅歌

飛符入於鬼鄉。看其依囚之類。虎入門兮人散。雀帶刑兮吏追。勾刑門兮人散。雀帶刑兮吏追。勾刑門兮宅禍。虎害干兮人災。騰附篷星爲直戰。小口驚憂。武會任宿而當權。奸人邪孽。六合天柱。子女怨尤。太陰景英。寵婢竊位。九地庚辛爲伏雨。若遇驚傷而帶刑害。暗中有損。九天丙丁爲飛牒。若乘甲乙而逢克戰。鬼怪須防。朱雀再附丙丁。喧爭聒耳。玄武更逢壬癸。宵小跳梁。庚辛白虎得地。而凶勢愈張。戊己勾陳刑冲。而破敗立見。燒身之虎。先凶後吉。入土之蛇。蟄后須防。

返首兮畫棟雕梁。跌穴兮藏風聚氣。九遁則知拱護有情。得挾定然堂構森列。守門在家清吉。遊儀出外更良。乙加辛門廊有損。辛加乙虎首房強。癸加丁厨廁不利。丁加鬼崇魅爲殃。伏于<sub>宅</sub>人宅俱不順。飛于基址招殃。伏宮人妬害。飛宮禍起蕭牆。大格小格鄰家有冲射。刑格悖格眷屬不安康。白入爨防有怪異。癸入白火燭驚惶。五不遇兮人有損。網羅布兮事怪張。六儀擊刑凶災疊見。一奇入墓。暗室幽房。返吟不吉。伏吟不祥。

占家宅

此時遇門生宮上干生台下支乙丙丁六儀臨旺祿生宮。主宅舍清寧。人口平安。進益田產。如生門生宮。有田產布帛五穀進益之利。如開門生宮。有金玉寶珍財物貴人之益。詳入門生尅推之。若凶星門尅宮。地盤臨衰墓。而又受傷者。口舌災厄獄病。小人憂驚不免。如陽星被傷。則陽人災非。如陰星受尅。必陰口災病。如陰陽皆被尅。則生陰人男子之憂。如乾爲父。坤爲母。震爲長男之例。若其人本命在墓絕之宮。又被沖尅。其災非病命絕。若有比和逢生。爲難中有救。

### 占起造

此時門生宮合吉格。三奇六儀加臨祿旺長生之宮。或日時遇貴人拱照。宅主與坐向相合。或天禽坐鎮中宮。或太陽照映坐向。乃爲萬全吉慶。發祿非常。若有諸家惡星。反爲我制。則爲我之用神。百無忌也。

### 占修宅舍

凡修宅以生門爲主。必得全吉日辰。地基上有又得生門爲上。宜修造。如生門爲天禽。

此時在中宮亦吉。若修方生門在其宮。忌宮門犯迫。陰宅同此。

占遷移

以九星論之。以九宮分方向。定可否。

看遷移方上。一宮有三奇吉門。再得天禽星。四季皆吉。天輔星春夏大吉。天心星秋冬大吉。其餘星皆不利。各以來時占之。以定天乙也。即以所占時。看何星爲天乙定之亦同。

占分居

以宮分支干。照月定日期。

坎離兩宮爲陰陽分位之始。自十一月至四月爲陽。以坎艮震巽爲內。離坤兌乾爲外。自五月至十月爲陰。以乾兌離坤爲內。以坎艮震巽爲外。又以年爲父母。月兄弟。日爲己身。時爲子息。按本局中支干推之。欲分兄弟。照日月支干看宮分內外。支干如在內外兩處爲分居。一處爲不分居。欲分息子。看日時支干。可類推也。再以旺相休囚定吉凶。

占功名

若提學來臨本府。以官爲客。諸生爲主。若學道坐於所考地方。以官爲主。諸生爲客。此時如主尅客。是諸生爲主。則名或無阻。若官爲主尅客者。求名有阻難成。如主客相生比合。干支同契而合吉格。求名易成。文章合機。若生生官。求名雖成。必先圖謀而利。若官克諸生合凶格。在於本命行年宮。或本命坐於死絕之宮。因求名招非災禍。或因名破敗。

### 又法占科名

三奇吉門吉星。加於本人年干之上。不犯奇墓門尅刑迫可得。反此不得。

### 占歲考等第

凡占歲考等第高下。以天輔爲文宗。日干爲士子。六丁爲文章。如六丁得旺方。兼天輔宮來生日干。又得三奇及開休生景四吉門。取爲一等。文章旺。文宗生日干。不得三奇吉門者。爲二等。文章雖旺。而文宗不生日干。或文宗生日干。而文章不旺。僅爲二等。文章不旺。而文宗來尅。幸有三奇吉門者。爲四等。文章不旺。文宗又來尅日干。又在休囚

宮。又無三奇吉門者。定爲五等。得死門及諸凶格者。定爲六等。不吉。

假如立夏中元。陰遁一局。戊癸日辛酉時。天輔在二宮。六戊在八宮。星奇爲文章。在七宮。乘旺氣。又與日干比。定是二等。又如秋分中元。陰遁一局。丁亥日乙巳時。天輔六丁俱在八宮。文宗尅日干爲三等。

占文宗按臨日期。以天輔爲文宗。冬至自坎至巽爲內。自離至乾爲外。立夏自離至乾爲內。自坎至巽爲外。冬至後至四月爲上半年。夏至後至十月爲下半年。文星在內主上半年。在外主下半年。更以落的宮分并分野。以定日期。再詳時事。以十二支配八卦法決之。

占科舉會試中式

直符宮尅日干宮坐  
主不取小考同看

凡科舉會試占。以日干宮爲士子。真才直符宮爲總裁。天乙爲房師。六丁爲文章。天乙宮尅日干宮。房師不薦。六丁宮尅日干宮。或日干宮尅六丁宮。休囚廢沒。俱主題目大難。不能得意。如直符天乙來生日干。六丁又得旺相。必中無疑。缺一不可。凡考童同。

假如立秋上元陰遁二局。六庚日丙丁時。日干在三宮。天篷直符在四宮。與日干宮相比。六丁臨八宮得生氣。文章必不得意。座師雖受刑尅。必力薦中矣。

### 占殿試甲第

凡占殿試以太歲爲主。太歲者天子也。以月建爲主考。日干爲舉子。景門爲策論。如景門落在旺相宮。又得三奇并太歲。并來生日干者爲鼎甲。景門不得三奇。而得太歲月建來生日干者爲二甲。不生日干。又無三奇者爲三甲。

假如六戊年。正月立春日丙辛乙未時。陽遁八局。天芮爲直符加七宮。死門爲直。使加三宮。丙爲日。日干在六宮。戊爲太歲在四宮。月建甲戌爲主考。但不生日干。在三甲後矣。

又如戊年正月雨水上元。陽遁九局。六己日丁卯時。景門到二宮爲旺方。上得星奇。己日日干在一宮。月建在乙宮。生日干。但太歲不來生。僅得二甲。

### 占武舉

申庚落宮。甲午辛的宮。或相沖爲箭中的。再看景門得旺相。又與直符相生。中缺一不當。看武藝以直符爲主考。時干爲舉子。甲申庚爲箭。甲午辛爲的。景門爲策論。專以甲可。

### 占投武

投兵應選。以天冲爲武士。以直符爲帥主。直符宮生天冲宮。天冲宮生直符宮。一見卽投合。彼此相尅。定不收錄。天冲卽作直符。一去卽得部長。後必大用。遇伏吟空回。返吟反覆不定。

### 占納粟

以甲子戌爲部司職。六丁爲文書。時干爲求名之人。必要六丁旺相。來生時干。甲子戌生六丁。則成而速。如甲子戌尅時干宮。部司不准。尅六丁宮。文書遲滯。時干尅甲子戌。亦不成。尅六丁犯朱雀投江。亦主文書遺失。宮門星格。吉易成。凶不成。

### 占陞遷

凡占陞遷。以開門決之。因開門爲官掌法印也。又看太歲月建相生。如開門加生旺宮。再有三奇得生合吉門吉格。必定陞轉。再遇太歲月建。乘吉神來相生。定然高擢帝廷。或有吉格而無旺相。有旺相而無吉格。或有旺相吉格。而太歲月建不來相生。亦不能陞也。選亦同

假如六己年。大寒上元。陽遁三局。丙申日乙未時。開門在七宮。開門木屬金。兌七亦屬金。同類助我爲相。又有奇日合之。又六己太歲乘天輔在離九宮。來生兌七宮。主陞無疑。又有看太歲落在何原卯作干。卽以其干爲所陞之年月也。或以直符落宮占之。不用太歲者亦可。蓋銓部陞宮爲直符之神也。

又如立春中元。陽五局。乙庚日丁巳時。開門到九宮。火來尅之。爲囚於鬼也。定難陞遷。並直符在坤。有生金之象。本宮不旺。亦無益也。

### 占上任吉凶

凡占上任後之吉凶。以上任之時。所向之方爲斷。如衙門坐西朝東。卽看東方所得之

宮神斷之。如向西。卽看西方所得之宮神斷之。南北亦然。總看所得向之吉格。得格吉。終於陞遷。如不成吉格。而星旺。主降謫。若休囚及廢沒者。主罷黜。若有凶格者。主有拳問。如返吟伏吟五不遇時。及入墓悖格飛伏等格。不看方向。而知其不吉也。

假如陽遁一局。丁壬日丙午時。上任衙門。坐北朝南。此局六癸加地盤九宮杜門。無吉格。主降調。又如陽遁四局。丁壬日癸卯時。上任衙門。坐南朝北。天任加地盤。丁合休門。催官白虎臨向。主陞遷。

### 占新任地方何如

當以天禽落宮爲京師。其餘爲外地。以各宮六儀三奇爲分野。若遇甲戌同宮。陽日用甲。陰日用戊。如天篷落宮。上有開門。主有賊盜。有六庚主兵亂。又主旱澇。不犯者平安。各以本邦分野。及任所分野定遠近。

### 占歷任歸結

以本宮年干地盤爲主。看天盤星門得吉格者榮歸。得吉格。而別犯刑擊飛伏悖格。及

本于宮有劫煞喪門刑尅。主卒於官不善終。不成格而得奇星。主榮歸。無奇星。主罷黜。有凶格。主拏問。

### 占官員有故降罰

如開到鬼廢休囚之方。或帶擊刑入墓。迫制爲大不利。逢太歲傷之。事起朝廷。月建傷之事起僚屬。天乙傷之事起諫臣。直使傷之事起御史。直符傷之事起撫鎮。遇天網定被鎖拏。天盤受下尅。地盤受制。前後遇迫。定有按治。如得氣僅罰降。失令恐傷命。

### 占徵召

凡山林隱逸及廢黜已久。欲求徵召者。太歲爲皇恩。月建爲銓部。日于爲自己。要太歲月建之星。同生日于所乘之宮。又要日于所落之宮得好格局。主起官。反此不能。

### 占應差

進衙門應差。以開門爲官長。以直使爲己身。如開門宮生直使宮。又得三奇及旺相星大吉。與長官宮相尅。主凶。休囚亦爲不吉。

占請假

以直符爲尊長。天乙爲卑小。直符落宮克天乙宮。天乙宮生直符宮。俱不准假。如直符生天乙宮。天乙尅直符宮。定准假。兩宮相比。不准。

占領文遲速

以六丁與直使宮相生則速。如相尅則遲。又看六丁在何宮相生。卽以本宮支干定其日期。

占婚姻

凡占婚姻。以乙爲女。以庚爲夫。如二家落宮相生合。說之則成。相刑尅則不成矣。又以頂盤六合六宮爲媒人。六合宮生乙宮向女家。生庚宮向男家。庚宮尅乙宮。女家畏而不嫁。乙宮克庚宮。男家嫌而不娶。乙宮帶擊刑。主女性凶惡。帶生合。主女性溫良。庚宮帶凶神。主夫性暴烈。帶生合。主夫性溫良。

又法占婚姻

如男家問婚姻。此時卽以地盤諸星爲男家。逢門生宮。或上干生下干合吉格。而干支日時逢生合。其婚必成。若門克宮。或上干克下干。或門迫相沖。必不能成。又如比和相善。言之卽成。凡九星六儀三奇八門。在旺祿之時。主富貴之家。若衰墓逢生。爲漸發之家。旺而受尅。爲時退之家。若論女相貌人品。以八門九星地將推之。若逢生。主人品清奇。逢尅爲不正。或醮婦殘婚之類。若女家問。就以女爲主。照前法反而推之。

### 占招贅

看合星。專以乙庚論之。如女求夫。謂之坐山招夫。當用天盤六庚宮。來生地盤六乙宮。庚上得吉星。主夫性溫良。得凶星。主欺騙財物。或心性奸險。如男求女。謂之到踏門。宜地盤六乙宮。生天盤六庚宮。亦主成。

### 占胎孕

以坤宮爲孕母。以宮上所得之門爲胎。坤宮之天盤爲產室。如天盤尅門。子不存。坤宮克門。胎不安。門克坤宮。孕母長病。天盤克地盤。孕母不安。門屬陽男胎。屬陰女胎。逢伏

吟子戀母腹。胎雖穩而難生。見白虎爲血光神。其產應速。如傷杜門到宮。爲入墓。必是死胎。或天盤爲門宮。二者之墓不吉。爲坤宮之墓不利母。爲門之墓不利子。若有三奇。必得好子。

### 占生產

此時以宮奇儀爲母。以天盤奇儀入門爲子。天盤地干支臨旺祿之宮。逢生者子母全安。若上干及門克地盤奇儀。慮其子母有所虧。若地盤奇儀在得令之宮。雖則受克。亦且無害。如母克子。其產容易。子克母產難。若子母無氣。而又受傷者。則子母難全。若子母比和。易產平安。若合吉格。產子極貴壽長。合凶格。壽夭難。要知何日將產。卽看相冲生旺日時決之。陽星多生男。陰星衆生女。陰陽相並。而當雙生。天下生人。同此一時。貴賤不同。詳此時吉格奇門在何方向。宜對吉凶之格。則生此子貴賤可知。或再加大年庚多少共算。當生日時。遁演奇門。則知富貴修短矣。

### 占疾病

以天芮爲病神。以生死二門看。再審病者本命年。干落宮得生門不死。死門雖愈。若年干沐囚廢沒。再有凶星凶格。大凶。卽得其餘六門。亦主纏綿。再以天芮廢沒之月爲愈期。如占父母病。或兒女同類病。得本月日干入墓者大凶。又凶星凶門。加病人地盤。年更無救神亦凶。若凶星加奇門。上下二千相救。可死中求活。或三奇吉門吉格。更上下二千有合。雖不服藥亦可愈。

### 占患眼疾

以離宮主之。離爲目。看九宮得何吉星吉格。則愈速。而凶則痊遲。若吉凶不分。則纏綿亦不重。

### 占壽數

凡占壽數修短。以天冲死門決之。蓋天冲乃三宮之神。爲生氣也。又五爲死氣也。又以九十歲爲率。九宮每宮十年。看天冲所落之宮遠近。以定其數。如天冲帶旺相。一生無患。若休囚廢沒。一生常有坎坷。占者自天冲落宮數起。陽遁順行九宮。陰遁逆行九宮。

數至死門落宮止。將自己經過壽數除訖。以所得餘歲論斷。如年至三旬而得四數。則除三十。尚有十年之壽。餘做此。

# 奇門節氣八卦圖

冬至  
小寒  
大寒  
坎卦

立春  
雨水  
驚蟄  
艮卦

春分  
清明  
穀雨  
震卦

立夏  
小滿  
芒種  
巽卦

夏至  
小暑  
大暑  
離卦

立秋  
處暑  
白露  
坤卦

秋分  
寒露  
霜降  
兌卦

立冬  
小雪  
大雪  
乾卦



甲子旬頭起艮。甲戌飛入離宮。猿猴來入水晶宮。甲午坤中不動。若見龍興震地。更見虎嘯生風。九星殿上顯能功。太乙臨之發用。太乙求財萬事通。攝提門打鬧重重。軒轅出入多驚恐。招搖動處血光紅。天符正宜打獵吉。青龍動處幹財豐。咸池多怕事起。太陰婦女結婚濃。天乙門中必遇貴。此法千金莫與窮。太乙青龍太陰天乙吉。天符軒轅中平。攝提招搖咸池凶。

元靈經 卷上



奇門遁甲元靈經卷上終

# 奇門遁甲元靈經卷下

## 占詞訟

凡爭訟。有心中不平。而先告人者。有被人告而求伸理者。須以開門爲問官。直符爲原告。天乙爲被告。驚門爲訟神。如開驚二門俱被尅。被告敗。俱尅原告。原告敗。一克原告。一克被告。則兩家俱敗。總以落宮決之。

又開門生原告。驚門尅原告。或開尅原告。驚生原告。如被告得生尅者亦然。以直符天乙之旺相爲勝。休囚爲敗。亦以落宮決之。

## 占興訟并呈狀

以丁爲狀。朱雀爲訟師。丁爲朱雀。如朱雀落陽干之宮。或落宮與天獄庚相沖。又乘景門。其訟必興。若朱雀落陰干之宮。其訟大起。臨囚休廢沒之宮。訟卽結而不興。呈狀以開門爲官。景門爲文狀。開門宮生景門宮爲吉。景門宮生開門宮不准。景尅開准。尅

景不准。又景門落旺相宮則准。落休囚廢沒宮則不准。如旺相而生開門可准。休囚廢沒尅開門不准。

### 占官事催提緩急

直符爲官長。六丁爲公文。直使爲公差。如直符宮尅天乙宮。六丁臨於內地。其提緩。直符尅天乙宮。直使臨於內地。其提急。再有擊刑。則來意惡。有三奇則來意善。若相生則公差與官長見喜。相尅則見怒。又看六庚。庚爲天獄。落休廢易結。落旺相難結。一說六丁臨外地緩。直使臨外地急。

### 占刑獄重輕

以本人年命與日干落宮星旺門吉。有三奇吉格者。官員降調。犯人罪輕。星不旺相有三奇吉門者。或三奇吉門得星旺相。並吉門吉格者。俱主罪輕。法及本身。如有三奇吉格。不得吉門與星旺相者。或星旺相而不得吉門三奇。俱主罪輕。若星不旺相。門不吉。無三奇格局。凶者主大凶。與日干年命再犯擊刑者。有刑罰之苦。

### 占罪輕重

以開門爲問官。以六辛爲罪人。以六甲旬中六壬爲天牢。如開門宮尅地辛宮。辛上又有六壬臨之。防有牢獄之災。二者缺一無害。再壬爲天牢。甲辰旬中壬戌時。戌爲天牢。甲子旬中壬申時。卽申爲天牢。餘仿此。若天盤上所尅六壬之支。再得開生二門者吉。

### 占罪人開釋

以地盤六辛爲罪人。看得星何干旺不旺。如上乘吉星吉門吉格。或尅開門落宮。與開門宮相生相合者。其開釋必速。不備者少遲。若開門落宮尅地六辛宮。再得休囚者。主牽纏。又網低則不開釋。高則開釋。

### 占出獄

壬爲牢獄。看所加地盤之干爲罪人。必地盤之干尅六壬所得之支。又得休開生三門者卽得出。以受尅之支爲日期。必得六丁時。或六丁落宮。非罪人宮。干又得三奇者。方出獄。

占官事牽連

以本日日干爲有事之人。以庚爲天獄。以辛爲天庭。以壬爲天牢。本人日干以地盤爲主。庚辛壬三凶煞。以天盤定之。如犯一煞。與地盤日干同宮。定有牽連。再逢刑擊。定有刑罰。得天網有枷鎖臨身。再有凶格等凶煞。連累甚重。若有三奇吉門。并吉格吉星者。無礙。雖有牽連。不能成凶。若不犯庚辛壬。定不牽連。

占口舌官訟

此時遇門生宮合吉格。或上干生下干。或干在於得令之宮。而尅上干。或宮尅門。因非訟而得理。有官貴人扶得財。若地盤奇儀臨衰墓宮。逢上干尅下干。及門尅宮而合凶格。則是非重至。財破憂驚。若逢心開生宮。貴人相扶。若逢英景生宮。有文書之力。若遇生死門生宮。田地房產之益。如前人門生宮尅宮之內推之。若諸星比和。或上生下下生上。當宜和美。若逢死絕而被沖尅。因訟破家陷命。

占被訪吉凶

凡官吏土豪。被訪吉凶何如。單看本人年命。日干本宮。上有何星門臨之。如星旺門吉。並有三奇吉格者。官民無恙。如不旺相。而有三奇吉門。并諸吉格者。或無三奇吉格。而得吉門星旺相者。或無吉門而星旺相臨三奇吉格者。官民俱主賊少罪輕。有二奇而門不吉。星不旺者。星旺而不得吉門三奇及吉格者。或得三奇吉格。而星不旺門不吉者。罪重賊多。累及妻子。星不相門不吉格。又凶。又無三奇。俱主傷門。若本命日干再犯。擊刑。必受刑罰。

### 占和事

以庚丙爲兩家相構之人。以甲爲主和之人。蓋以甲爲天福。又係十干之首。爲兩家福星。又必以甲子戊始可算。餘甲不用。看甲所落宮。或同生兩家。或同尅兩家。方爲處事公平。則和成。若生一宮尅一宮。必有偏向。不能和。又當看甲在旺相宮。而庚丙在休囚宮。彼亦不得不和。

### 占出行期

占行期。或有牽纏。不能擺脫。或有節制。不能自由。或本人猶豫不定。以時干爲起行之人。日干爲牽纏節制之人。以開門爲起行之期。如日干尅時干不能行。時干尅日干即行。日干宮上下皆來尅日干。彼自受制。無暇制我者。即行。若本人自猶豫不能決者。看時干宮在外爲去。在內爲不去。俱看開門落宮下得何干。以定其期。

### 占道途吉凶

以時干所落前一宮看之。如得天篷爲賊盜。乃時干所落宮前一宮。陽順陰逆。即得天篷爲賊盜。如無者。不過再看時干所加本宮得生旺相。並得三奇吉門吉格者。不妨。

### 占同伴善惡

凡途中遇人同伴占。以地盤時干爲己身。看何星臨之。如得禽心冲輔任爲善人。得篷芮英柱爲惡人。再得旺相。而時干又居廢沒之地。主有侵害。時干旺相。凶星廢沒。亦不能害。如凶星有害。時干而得生休開。及三奇吉門吉格。主被害中有救。若時干旺相而得刑格。并一切凶格。雖有侵害亦無妨。

占店主善惡

看時干加害所落之宮。得何星宿。以定善惡。

看時干。若遇篷芮凶。二大英柱凶。二小凶星。俱主惡人。遇輔禽心冲任吉星。俱主善人。如落宮克時干。主有侵害。若時干落宮。有三奇吉門吉格者。雖有惡亦不敢害。如無吉格。但乘旺相。亦無害。如時干得休廢沒。并凶星格者。當有侵害。

占出行

此時出行。欲得三奇六儀。臨於旺祿之宮。或行年合吉格。而上下相生。本日時官貴祿馬俱臨。此時而去。逢貴人接引。財帛廣進。求名亨達。凡爲皆順。如本命行年。並此時合凶格門尅宮。必多虛驚。如開門尅宮。爲貴人見貴之類。如逢凶格。相冲相干。墓之鄉。出則不歸。若遇壬癸。恐有水厄之憂。如遇辰戌。慮有牢獄之苦。

占未出先定歸期

看天篷星落宮。如陽局天篷在內四宮。上半年回。在外四宮。下半年回。陰局亦然。冬至後自坎至巽爲內。自離至乾爲外。陰遁夏至後。自離至乾爲內。自坎至巽爲外。又看所

落何宮。卽以本宮所得十二支位。以定其期。

### 占登舟

以震三宮爲船。以天盤所得之星。爲船戶之善惡。得輔禽心三星上吉。任冲二星爲中吉。芮兵柱蓬爲大凶。其船不可登。凡占水。看休門之下。見申酉爲江河。見小吉爲井。太冲爲池塘。

### 占水陸

以直使定之。不取坤宮者。死門也。

以坎爲水路。艮爲陸路。看直使落宮。如水陸二路有一生則吉。被尅則不吉。又看休生二門所落之方。亦可出行。

如驚蟄中元。陽七局。甲己日丁卯時。驚蟄直使加坎宮。休門到震。生門到巽。爲水木相生。

### 占行人

以行人年命看。合當時。局中干支爲行人。以支宮爲宅舍。以左右宮爲來之遲速。如占

東方之人得西方卽來。得北方不來。得南方在路。其歸期以地方遠近旺相決之。如行人是甲子生。往南方。若遇以坎卽歸。遇坤兌乾三方將至。遇艮震巽三方。又向他方去了。遇尅我之卦。必半路有阻。再看吉凶神煞尅我之宮。以定安危。餘類推。

又天篷天芮二星俱主行人。千里外者看天篷。千里內者看天芮。得篷芮者爲來。又以時干爲來期。伏吟不來。返吟爲來。三奇合吉門。於行人本命年干之上卽到。凶星凶門。其人必有妨礙。又年格年來。月格月來。日格日來。時格時來。一云各以落宮干支定其來期。又格則不來。

### 又法占行人

此時伏吟行人身未動。返吟而且來速。若上干克下干。或門生宮克宮。或庚加日午。行人卽至。若上被克。或宮克門。行人不來。若日干加庚。行人不來。如上干在墓衰宮。或門宮相克。行人來遲緩。若上干遇壬癸。臨旺祿宮。又逢日時相生合吉之格。主有酒席相阻。或隔住無舟。或船水虛驚。或口舌喜悅相阻。或上干在死絕之宮。或被克制。及日時

相犯。永爲不來。切忌干支相冲。在行人之行年干上者。或則死亡。或則囚禁。

### 占遠信

以六丁落宮爲信。以時干落宮分內外。來信之遲速。臨內信速外遲。六丁受制休囚。輕則信遲。重則無信。天躔信遲。投江無信。六丁帶三奇。合得有喜信。帶擊形有凶信。庚格無信。投江在內亦無信。又景門臨於本人所居之地。信來甚速。如人在北方。占南方之信。一宮得景門信。卽到。如人在南方。占此北方之信。九宮得景門信。卽到。餘倣此。

### 在外占家中平安否

以日干爲主。日干長生爲處家。如甲日干。則甲木長生在亥。亥寄於乾。看乾宮地盤中。無凶星凶格。主家中平安。有凶星凶門凶格者。主凶。須看克宮是何干。以日干六親決之年爲父母。月爲弟兄。時爲妻子。卽各以本宮所得論之。

### 占外人安否

先定方向。看其上下盤。得有三奇吉門。及諸吉格。外人安。反此不安。

## 占回本鄉

凡人久在他鄉。難回故里。占人本以天盤年命落宮。看其在內在外定之。如已在內界。卽主回落在外界。雖回心終得牽纏。如得吉星吉門。回家平安。得凶星凶門。回家有事。以地盤年命支干定其日期。

## 占求財

凡占求財。其說不一。分體用以生門主之。以生門所落之宮向爲體。以生門天盤所乘之星爲用。用生體則吉。體生用則不吉。用旺體衰。體難尅用。不爲大吉。體旺用衰。用難尅體。亦無大害。大抵專看生門所落之宮分。再看上下二盤格局。吉凶何如。吉格吉星。所求如總。有一不吉。所求僅半。休囚不吉。所求全無。

假如驚蟄中元陽七局。丁壬日壬寅時。生門到坤二宮屬土爲體。天篷星亦到坤二屬水爲用。體來尅用。宜乎得財。但時在驚蟄。坤二宮爲囚。且坤宮中六辛加壬。爲蛇入刑獄格。安得爲吉乎。雖休尅所得亦微。得財之說。是我所本有之財。或

應有之財。但未知何日到手。占法須分內外。以時干在地盤者爲主。以甲子戌爲財星。蓋甲爲青龍。青龍爲財星。爲時干在內地。甲子戌亦在內地。此爲財將到手之期甚速。又以本宮所得何支。定其日月之期。若時干青龍俱在外。半年得。反吟伏吟。主反覆不得。如甲子戌時干俱合吉門。得財甚速。又如立秋上元陰遁二局。甲己日壬申時。時干在地盤七宮。爲丙甲子戌。青龍生門亦在七宮。又七宮爲兌。干支爲酉。子月爲八。主八月到手也。甚驗甚速。

### 占求財謀望

此時遇奇儀。門生宮合吉格。或干相合比和者。求謀得意。一切無阻。如門尅宮。下尅上合凶格。凡求不遇。或因求謀破財。如主星在衰墓宮。又逢上干尅下干。或門尅宮。因求謀招非。

又占謀望。須三奇吉門吉星。加於本人年干之上。不犯奇墓門迫。及五不遇。可成。

### 占放債

以天乙爲取財之人。以直符爲財主。以生門爲財神。各以生尅旺相論。如直符宮尅天乙宮爲吉。天乙宮尅直符宮爲凶。天乙宮生直符宮爲吉。反是爲凶。如生門宮與天乙宮同尅直符宮。其財盡失。同生直符宮。子母俱全。或生門與天乙。有一生一尅。本利不全而遲。如天乙生門得休囚氣。雖生直符。終不能全得。且必遲滯。天乙者。乃天盤上一宮。

### 占索債

以傷門爲索債人。如傷門宮尅天乙宮。去人必實心取索。天乙宮尅傷門宮。彼必爭鬪不服。傷門與天乙同來生直符宮。子母全獲。全克直符宮不還。傷直符宮尅天乙必還。生天乙克直符不還。天乙旺相克傷門。雖有錢不還。天乙休囚生傷門。有心無力。不全或遲。終必還。若天乙乘庚辛來尅直符。必有經官之事。或直符尅天乙乘六丁。又或景門加三四宮。亦有經官之事。如甲子戊符會開門加內地時干。其還速。至經宮獲利與否。乃以傷門天乙直符之生尅斷之。

### 占借貸財物

以直符爲物主。以天乙爲往借之人。各以所落宮分生尅論之。直符生天乙。天乙尅直符。借貸必遂。如直符克天乙。天乙生直符。借貸不遂。

### 占賒取給否

亦以直符爲物主。天乙爲取物之人。各看所落之宮。相生則得。相尅不得。相比亦不得。

### 占囑託求人

以天乙宮爲求託之人。直符爲所求之人。直使爲受託之人。如直符生直使。其言必信。直符尅直使。不信其言。直使尅直符。彼必不悅。直符克直使。而生天乙。雖踐其言。不甚快利。直使生直符。而克天乙。彼不肯盡力。必直使直符俱生天乙。或俱爲天乙所生。其事方有濟。有一不生亦不濟。各以所落宮分定之。

### 占事成否

凡人來求我。以他爲客。我爲主。如我去求他。以我爲客。他爲主。宜主客相生比和。求而

自成。星儀門迫。求而難成。費力。若主客相傷。合凶格。因求事而生非。或反耗財物。只宜他生。我爲順易圖。我生他爲逆難圖。

### 占貿易

看生門落宮旺相。再得吉星。及三奇飛鳥跌穴等格。主買賣興隆。如不全者平常。若落空休囚凶星。再有庚加己等凶格。主大不利。凡得天冲。宜於春夏。得天禽。宜於秋冬。餘星不利。

### 又法占貿易

以直符爲買物之人。以生門爲所賣之物。以生門落宮爲物主。如門來生直符。其物得買。有利益。如門與本落宮相生。爲物主相戀。其物難買。相尅難以成交。如直符得旺相。來生生門宮。利賣者。或生門宮來生直符宮。利買者。凡欲買物。看賣主之方。得吉格者。有利。得凶格者。其物不堪。看買主之方。得吉格者相安。得凶格者。尙有煩惱。

### 占合夥

以生門地盤爲財主。以天乙生門落宮爲夥計。地盤克天盤。天盤尅地盤。及天盤生地盤。俱不利。地盤生天盤。方共益利。此看生門宮天盤地盤也。一說生門爲地盤。天乙爲天盤。

一云如地盤合天盤。主合不成。天盤合地盤。彼必陷我財。彼此不善經營。以致消耗。他來生我。彼此大利。

### 占生意興隆否

看生門所落宮定之。其宮旺相。再有吉星。及三奇飛鳥跌穴等吉格。主興隆。

### 占貿易利息

看生門所臨之宮。旺相何如。旺則利多。相則利平。休囚則利微。如休囚又有凶格。則折本。若生門居旺相。再看甲子戊上乘何干。以決其利數多少。

### 占贖物產

以直符天乙直使論之。直符主動。天乙主靜。直使爲中人。如我向人回贖。我爲直符。彼

爲天乙。若人向我回贖。彼爲直符。我爲天乙。再看生克旺相休囚決之。如直符生天乙。及天乙生直符。定准贖回。直符克天乙。雖可贖。其中不美。天乙克直符。不准贖。如直使生兩家得。克兩家不得。若內有朱雀同宮。必有爭競。勾陳同宮。定主經官。如人向我贖。我爲天乙。彼直符。其生克旺相休囚前論。如我爲物主。望人來回贖。以生我則贖。克我則不贖。若不欲人來贖。克我爲來贖。生我爲不贖。

### 占走失

凡占走失人口奴婢畜頭。應向何方找尋。未知得與不得。以時干爲失主。六合爲走失之物。但以落宮論之。以六合與時干所落之宮分內外。以遠近爲斷。時干六合俱在內四宮。爲易尋。俱在外四宮。爲難尋。若時干在外。六合在內。猶可尋。以六合所在之宮爲方向。如得旺相之星。又得景死驚傷四門者。可得也。得九地太陽。有人潛藏。得九天應遠走去。得玄武被人盜去。得騰蛇有人盤詰羈縻。得朱雀卽有信。得勾陳有內人相勾引而去。又看六庚羊月日時。

假如大寒中元。陽遁九局。乙庚日庚辰時。時干在震三宮。六合在坎一宮。爲俱在內。又六合爲坎宮。有人潛藏。主不失。

占失物

凡占失物。金銀財帛等件。以甲子戌爲財物。如見玄武。被人盜去。不見玄武。自己遺失。若玄武宮克青龍。青龍宮生玄武。定被盜去。又以六丙旬中空亡看之。如甲子戌落宮空亡。或自己遺失。或賊人盜去。俱不可復得。欲問失落何處。以甲子戌落宮方向定之。如在內四宮。爲在宅中。在外四宮。主失落甚遠。又以落宮卦位方向體象斷之。如艮爲山。爲少男。爲東北。震宮爲木。爲長男。正東。巽宮爲木。爲長女。爲東南。離宮爲父。爲中女。爲正南。坤爲地。爲老母。爲西南。兌爲澤。爲少女。爲正西。乾爲金。爲老父。爲西北。坎宮爲水。爲中男。爲正北。欲問得期。以宮地盤決之。支干決之。如見玄武有盜者。以玄武落方定賊所在之方。陽星爲男。陰星爲女。又以玄武所落天盤地盤支干。決賊人衣服。

假如大暑中元。陰遁一局。戊癸日壬戌時。甲子戌到三宮。不見玄武。還是自己遺

失。應東方。又不見空亡。以震卦體象找尋。逢卯日得之。但甲子戊到三宮爲擊刑。亦傷損也。一云玄武尅青龍。及青龍克武。主自遺失。

### 又法占失物

此時天盤寄儀。與地盤生合。或門生宮。失則必見。或自遺亡。或被親友所藏。若門宮相尅。上下大相沖。物必難尋。如合凶格。或因失物而反招非破財。如門生宮。合凶格。客又墓衰。宮而相合。乃爲自己家人所盜。如宮生門。干支相沖。乃外人所偷。如陽星相犯。爲男。陰星相犯。爲女。陰陽相並。必男女知情。若陽星臨墓宮。爲女偷。男藏。若陰墓爲男偷。女藏。逢旺氣爲少年人。逢衰氣爲老年人。寅爲公門人。卯爲犯過人。辰戌爲兵卒人。或好勇人。巳爲手藝人。或爐冶人。午爲商旅人。申爲鄰近之人。或知己人。未爲同類人。酉爲虛花人。或多嘴人。亥子爲江湖人。或漁人。插冰人。或漂流人。又于天上干。逢生爲有根基人。逢尅無根人。或上下相合。爲親眷人。若逢門尅宮。或干支逢庚相克。再有賊來。

### 占捕亡

人口  
逃走

凡占緝捕以六合爲逃人。以傷門爲捕者。如六合宮生傷門宮自歸。尅傷門宮不獲。傷門宮尅六合宮易獲。生六合宮不肯實心。必得賄賂。傷門與六合同宮。必有通同欺蔽之意。又六癸爲天網。在一二三四宮可獲。五六七八九宮不可獲。陰時可獲。陽時不可獲。又太白入癸同宮必獲。又云值年月日時則可獲。

占官差拏人獲否

補遺

以開門爲官府。直使爲差人有事之人。論年命直使落宮空亡者不得。加臨本人年命者其獲速。其一內一外者其獲遲。直空亡不獲。如甲子旬空戌亥。地盤得甲戌己。或六宮也。

占捕捉逃走

此時六癸加於一二三四五宮。急趕必見。如臨六七八九宮。或上千克下干。或門尅宮。逃則無追。要知逃往何方。須從天上六癸所加之處追趕。如臨一宮往北方。一里十里或百里。二宮往西南方。二里二十里或二百里。餘仿此。天上六癸爲賊。爲逃人。若加於

旺方爲里一百。逢衰墓爲十里。逢衰墓而受克者爲一里。若逢旺氣逢生。逃必難追。如此時宮地盤尅六癸。或六癸宮生此時宮易見。若六癸與時宮比和。必易見。若六癸尅時宮。或時宮克六癸宮。亦定難尋。

### 占捕盜補遺

捕捉有二義。大盜竊盜。大盜天篷主之。竊盜元武主之。以傷門宮爲捕人。時干宮爲主人。傷門宮克元武宮易尋。時干宮克元武宮易捕。若傷門宮生玄武宮。不肯實心捕之。玄武來尅時干。有傷主人之意。尅傷門有傷捕人之象。若傷門與天篷門。再有時干克之。捕無不獲。又以六庚與元武同宮爲大盜者。傷門與元武同。雖有時干克之。亦主不獲。蓋捕者與竊盜均有通同之意。大抵六庚爲敵爲盜。玄武爲竊盜。如被盜當以賊大小看天篷元武宮占之。

### 占逃難

凡有危難。逃避他向。當看杜門。六丁六己六癸。或六合。天上天冲。及生門所臨之方。又

生本時。時干落方。得一件卽吉。或遇星吉三奇大吉。反此不利。凡避兵看六庚。避賊看天篷。避官訟看六辛。以時干爲本身。如庚加時干。不在內地不必避。在內地不克時干不必避。加時干克時干又在內地。急宜避也。看天篷六辛同此。

### 占逃避

凡避兵難者。看六庚。避盜賊者看天篷。避官司者看六辛。時干爲自己。必尅時干。又臨內地。及加時干者。則當避。克時干而加時干者。亦不避。凡避仇家。其法則宜看其禍之由。先動者爲客。爲陽。六丙主之。後動者爲主。爲陰。六庚主之。如客占應避與否。當以六庚落宮克六丙落宮。又臨內地當避之。若六庚乘干休囚之星。而加丙。不必避。乘旺相之宿而加丙。則當避。

凡占逃避。須看六丙亦然。但下臨六庚。凡事將退。總不必避矣。

### 占小盜賊

此時遇下干尅上干。宮克門。地盤在生旺宮。縱有小人盜賊。不敢來犯。若上庚干日克

干時。門克宮而合凶格。主星臨於失令宮。小人盜賊謹慎。或被大害。不宜上下干支比相相生。俱爲不吉。宜相沖。我尅賊。不敢來犯。

### 占人謀害

看庚甲二字。蓋奇門尊甲避庚。

以庚爲仇人。以甲爲本身。看落宮爲主。庚金落宮克甲宮。有謀害。甲落宮克庚宮。不謀害。甲宮受擊刑有害。若旺相。雖擊刑不爲害。庚宮上下二盤之星。皆來克庚及甲。庚作直符。俱不爲害。彼自有急。不暇害人也。

### 占尋師訪友

以天芮我明師。時干爲自己。如所往之方。上得天芮。可遇明師。來生門干。傳道無疑。若來尅時干。必不投合。又時干克天芮。亦主無用。必天芮方上。有三奇吉門及諸吉格者。方爲明師。否則亦非明師也。

### 占訪友

訪友。看所訪之方。以地盤一宮爲主。以天盤爲客。要相生合。再得吉門。去必相遇。若相

尅。又無吉門則不遇。逢庚加年月日時格亦不遇。

### 占訪人

如所訪人在東北。則看八宮所得地盤原主之星。生對冲宮所乘之星。及受對冲宮所乘星之尅。皆主相遇。如東北西南方中。一有吉格者。所求皆遂。凶則不遂。格則相拒而不納。丙則相見而不相得。

### 占見貴人

以休生爲主。與三奇合則吉。與日干相合則貴人喜悅。而有酒食財物。開門亦利於求見。餘門不取。

干謁以休門宮爲所見之人。時干爲所往之人。休門生宮時干宮。而時干再臨三奇必遂意。若三奇相尅不得見。干求亦不如意。又要彼此旺相則吉。一處休囚不吉。

### 占謁見

此時干支相生。門宮亦然。而合吉格。在於生氣之宮。則見而有益。若求我之人生我者。

則稱意美滿。如我生渠。見則艱難。因求而反退財帛。如逢尅我。父合凶格者。因求而招非。或自取辱。

### 占請人遠近來否

占法當分方向。看本宮地盤得何干。必上尅天盤干。又要地盤干轉到內界則來。如下不克上。及上克下。地盤仍在本宮。主不來。

### 占遠客來意

以直符爲主。以天乙爲遠客。各看落宮。相生者無關係。克直符者有求。克天乙者求不遂。相比者求可遂。及甲落陽干爲求財之事。丁落陽干爲囑托之事。景門落陽干爲文書之事。陽甲乙丙丁戊。陰己庚辛壬癸也。

### 占期約

看係何人。年爲尊長。月爲同類。時爲卑幼。日爲自己。在直符前者先至。在直符後者後至。所落宮相比生至。相克者不至。如直符伏吟。雖有陽星加之。亦主不至。五不遇及悖。

格皆同此也。

### 占訪館

以天轉爲己身。直符爲館主。天芮爲子弟。若直生天輔宮。再得三奇吉門及諸吉格者。可成。其餘俱不能成。各以落宮論之。又看天芮在旺相之宮。子弟多。在休囚。子弟少。如有所往而謀者。又當以所往之方占之。如得三奇吉門。及諸吉格者。有館。無吉格吉門。無館。

### 占燒丹成否

其法以坎水爲真鉛。休門主之。以震爲真汞。傷門主之。離爲真砂。景門主之。兌爲真金。驚門主之。其餘艮土巽木爲雜氣。又以將加本時。子爲真鉛。午爲真砂。卯爲真汞。酉爲真金。其寅申巳亥爲雜氣。貴神以六合爲真鉛。朱雀爲真砂。太陰爲真金。元武爲真汞。其餘天后白虎騰蛇青龍爲雜氣。又天蓬爲真鉛。天冲爲真汞。天英爲真砂。天柱爲真金。其餘心任輔英俱爲雜氣。凡此俱會中五宮。單看地盤得丙丁二火。天盤得壬癸之

水。水火既濟。必可成丹。惟得真銀鉛砂汞者成。內雜氣者不成。

### 占禱祀

當看天禽所得。在下得風雲龍鬼神五遁。方得效驗。

### 占飲食

此時天上奇儀門。生合地下星。或比和而得旺氣。飲食極豐。諸星門若尅宮。主飲食不豐。逢衰氣。主見而不得食。若地盤星儀克天盤亦無。若水星休門生宮。有飲食酒肴。又如土星生宮。有飯並餅果亦不定。如金門生宮。有飲食重重。如火星生宮。飲食如常。若遇水星生宮。應魚蟹海味水中之味。羹湯羹味。如火星生宮。主帶殼硬物苦味。或煎炒。雞雞烘醃餅酥饅頭尖物。如木星生宮。有新味佳味。時果腥酸美味。如金星生宮。主多骨之味。豕犬鵝鴨雞鳥肺蹄之物。如土星生宮。有野獸或虎山羊肉山藥土物味甘。肚子。如火土垂旺氣。主鹿獐野獸之物。大抵旺氣主飲食多餐。衰而逢克。食必艱難。若逢凶格門迫。因食生非。若主逢旺。口舌自散。若衰墓遭傷。驚非不免。

占牛羊馬騾生畜

以天芮爲病神。以艮八宮爲牛。丑者。牛也。坤二宮爲羊。未者。羊也。離九宮爲馬。午者。馬也。騾驢亦九宮主之。六畜等類。名以其方占之。如牛病看艮八宮。得生門者生。遇死門又凶格。及天盤星宿來尅者必死。卽得他門而有凶格。被尅亦主纏綿甚重。尙不致死。以天芮休囚之月爲愈期。以內之干爲日期而定之。

占漁獵

以傷門主之。甲戌己爲犬。甲午辛爲鷹。甲寅癸爲網。如天盤星尅傷門宮得物。傷門尅天盤星不得物。天盤生傷門宮得物走脫。傷門宮生天盤星易得。上盤有甲戌用犬。見甲午用鷹。見甲寅用網。若地盤休囚。天盤生旺。獲物必多。反此不獲。捕魚用甲寅癸落宮尅傷門。則亦易得。

又法占漁獵

此時遇傷驚死門。合乙丙丁六儀。加臨生旺有氣之宮。如地盤逢墓衰宮。或上克下干。

門克宮。必獲多獸。若天盤諸星。或在墓絕宮尅門。獸雖見而必不得。若門克宮。或宮生門。或干支相合相比。則無所得。若下干克上干。宮見門星。加於死絕之宮。必被獸所傷。切不可出獵。所得之獸。被主尅者。如所克寅爲虎。亥豬戌犬丑牛未羊牛獐鹿西雞之類。

### 占鴉鳴

凡見鴉鳴。急看景門。直符前一。急迫來臨。前二口舌。前三婚姻。或急講門庭。前四鬪毆。財利相爭。直符後一。事涉女。後二之位。欺蔽奸淫。後三之位。亡失衣物。更尋六丙。下值何神。河魁在下。細細推尋。貴人有災。六畜有傷。從魁在下。寡婦藏音。上有吉將。酒食邀迎。傳送在下。人來覓物。小吉在下。婦人喜成。勝光在下。徵召權欣。太乙在下。大吏相尋。天罡在下。爭鬪訟亡。太冲在下。親戚得遇。神后在下。事主奸淫。功曹在下。慶賀維吉。登明在下。索吏公文。聽聲過何方隅。吉門在吉。凶門在凶。宜出入遠行宴樂。不宜嫁娶出兵移徙入官商賈尋室凶。

占雀噪

看朱雀所臨方得何門奇以決之。得開門又得奇。主親朋至。或行人遠來。或酒食。得休門又得奇。主喜事喜信。及婚姻事。得生門又得奇。主田宅財物畜事。不得三奇吉門。及門迫奇墓。俱主無所關係。更看景門臨宮。有吉格有喜信。凶格凶信。

占犬吠釜鳴火笑牝雞鳴等類

當以時干所加。下得何門星決之。如得三奇吉星門吉格者。爲平安。如無奇無門。兼星凶格凶者。主有禍事。若吉處多凶處少。有禍無妨。若凶多吉少。定多凶險。終亦無礙。在內者爲上半年。在外者爲後半年。亦以八卦定期。

如陽二局。甲己日庚午時。此六庚在四宮。得杜門。有天英凶星。又六庚加丙爲太。白入爨。主失亡被竊。又星門俱不吉。主合官事。

占夢兆

以時干爲主。看上有何星門加之。門星俱凶。而得三奇吉格。或無三奇吉格。而星門俱

吉者。其夢吉凶兩無。如得星得門。又得三奇吉格者。夢吉即吉。夢凶亦吉。不得星門及三奇吉格者。夢凶應凶。夢吉亦凶。若時是六甲旬中空亡。即屬幻影無所應。

### 占四體動吉凶

眼跳耳熱  
唇腫肉跳

眼屬肝爲木爲震。耳屬腎爲水爲坎。唇屬土爲坤。左臂屬巽。右臂屬坤。左腿屬艮。右腿屬乾。左脇屬巽。右脇屬震。背腹屬中。如有跳動。以本方上得何奇門星格決之。得奇門吉。不得奇門平平。有凶格者不吉。

### 占人物

若占來者是何人。但見直符飛與臨。六儀三奇相互換。何宮何地細穿尋。甲子直符加艮方。天星六丙下來藏。吉格之中龍反首。貴格來時着紫裳。甲丙居同在巽宮。衙門官吏貴人從。甲丙如居震上長。來者半仙及釋翁。離位景門居甲丙。武官邊士論英雄。坤死如遲甲丙者。帶孝儒家與醫同。驚門甲丙來相逢。作樂謳歌侮相公。開門如遇甲加丙。高貴緋衣命僕僮。青龍反首加休坎。貴人酒氣醉何弘。丙加甲子直符門。貴馬貴人

見水泮。飛鳥跌穴居生上。小貴擊拳打老人。傷門丙甲如逢遇。僕執花箋請貴人。杜門  
跌穴居于上。長女穿藍抬轎行。景內丙甲無門迫。華麗衣人暗修兵。丙甲如遇坤死上。  
老人乘轎會親情。驚門丙甲媒人氏。從役相隨鼓樂新。惟有開門加丙申。馬嘶人喊振  
紛紛。直符甲戌乙奇臨。得使之人有吉星。如在死門爲入墓。帶孝陰人手捧人。乙己驚  
門尤不可。蒙童幼女日相爭。開門乙己如臨位。貴客長鬚似道真。乙己休門如遇此。外  
方來客裸形行。生門乙己如相遇。未冠童生而帶赤。乙己如逢傷位上。負包衣士答鄉  
民。杜門乙己逢相尅。道姑托鉢過門庭。景上如逢乙與己。手持花罩是庵人。甲申直符  
加丙奇。癸入太白不相宜。休門醉客多狂士。詐侮佯顛近水推。加艮生門渾不吉。浪子  
擊拳打小妮。傷門癸白來逢遇。撒髮披頭硬漢欺。丙丁臨杜死門迫。方外僧人化綿衣。  
景門此格如來到。破眼漁家賣蚌歸。癸入太白逢坤地。抬轎扛盤是脚兒。兌上相逢庚  
上丙。賣糖老漢女男呀。開門癸入來投庫。老漢呼童備馬騎。六丙符奇甲申隨。庚加丙  
兮不奇門。縱遇休生非吉兆。主客相爭利靜人。太白入癸在傷門。屈足跛人路上奔。杜

門庚丙來相遇。寡婦稀毛頭若僧。離宮庚丙不宜來。咳嗽心胸不暢懷。更遇天心玄武集。破衣瞽者莫疑猜。死門庚丙來居上。大腹無文一老獸。驚門庚丙裝庫下。好唱優人腹有才。太白熒惑逢開地。老者搥胸欺小孩。坎休宮中加白熒。丰姿俊雅喜形骸。生門太白入熒惑。裸體村夫東北來。甲午直符乙奇臨。逃走青龍非吉星。加在休門爲雲遁。年邁儒家氣象凌。加艮合生爲虎遁。九流高士半虛名。傷門遇此龍逃走。草莽村人頂帽行。杜門加此爲風遁。燒香燃燭一善人。景門龍走爲吉放。潑牙之人及衆羣。乙辛加在死門上。扒物老者執油瓶。驚兌之中龍生甲。謳歌妓女最娉婷。開門甲午如逢乙。辛畜屠人衣潤身。日奇之上六辛符。白虎猖狂凶事多。離在艮宮成虎遁。如穿人物像風魔。傷門符到虎猖狂。鼓樂喧喧仔細詳。九天若也相生處。掌裏陰陽吉可藏。白虎猖狂加杜門。負拿包裹女逃生。景門如逢六辛已。婢女將來探問親。辛乙加於坤死內。牧羊稚子淺前行。猖狂發縱居驚上。婢遺小女駭門庭。開門如遇辛加乙。近宮騎馬急如星。坎休白虎猖狂至。撐臂猜拳是提人。六癸加丁蛇夭矯。門符雖好不豐饒。開門近貴兼

奴隸。急急忙忙不憚勞。休門六癸加丁上。買酒孩童跌在橋。騰蛇天矯生良上。乞兒賣藥負皮毛。傷上癸丁加九地。木土泥水醉醜醜。六癸加丁杜巽上。彈詞女輩甚風騷。景六癸丁如遇此。紅眼佳人笑倩嬌。癸加丁在坤方使。老婦簪冠穿道袍。癸丁加癸甲寅符。朱雀投江氣不蘇。不遇昭明多損失。舉動難安莫遠途。坎宮丁癸直符休。婦女攜兒面帶羞。生門朱雀投江至。外方乞者手牽猴。傷門丁癸來迴化。作伐渾婆弄舌頭。景門丁癸加符使。蝦蟹漁娘連與勾。杜門丁癸投江遇。販賣絹絲是女流。驚門丁癸私窠婦。滿面腌臢粉與油。朱雀投江在開上。換針磨鏡兩相投。死門玉女加於癸。污穢肩擔過我眸。

又法占人物

大格天庚加地癸。直符須是甲寅中。如在凶門生口庫。文墨之人禮貌恭。傷門大格多顛險。投吏公差誰向東。庚加六癸東南杜。披髮頑童貌不庸。高門如遇庚加癸。眼目昏花得女從。死門大格來經此。老嫗披麻苦與同。驚門鼓唇搖舌婦。開位長人面帶紅。休

門庚癸來相遇。樂道仙翁手拍筒。庚如加在甲辰符。上格爲災事莫圖。如在杜門庚與使。弄蛇花子打頭顱。景門庚壬若加此。不隘不尪一村夫。坤死如加在上格。補錫釘碗一窮徒。庚辰如在驚門上。擊磬搖鈴道者多。開門上格凶爲最。點翠穿花賣貨奴。休上庚辰遇上格。賣鹽好漢協強徒。生門如得庚辰遇。弄瓦挑磚樵探哥。上格如逢傷震位。放鷓擊鷹過我途。乙丙青龍失水篷。吉不呈祥凶不凶。如加坤死嫌投庫。孝服哀哉是固窮。驚門乙丙遇騰蛇。能畫能詩貴近奢。開六日奇來入墓。皓首窮儒心自嗟。乙丙加休得水龍。風流俊雅在其中。天星如遇符六合。士女歌聲美正濃。乙丙生門亦遇奇。失時君子富流兒。青龍失水逢傷震。賣卜醫家有望儒。杜門乙丙和無迫。花街女子美人癡。六丙時加地下丁。無刑無迫正奇門。加在開門飛貴格。月奇投庫有何欣。遊行雖是宦家子。躍馬揚鞭擬失驚。加在休門奇又合。挈盒提盒是貴親。生良門宮遇丙丁。貴家公子謁親朋。傷門遇此爲奇特。繁雜偏多子弟門。杜門六丙逢丁件。女女男男賭設盆。景門武士兼文士。傍遇燒香妖道人。死上丙丁如門迫。鄉愚富宦遜繁文。丙丁驚位如

逢著。士女嬌姿可悅心。乙丁丙死奇投墓。醜陋陰人無復新。驚門六丁加乙上。艷粧小女哭過門。開上乙丁奇吉門。才子佳人會有情。休門至女加六乙。貴客同來探可人。乙丁加生奇正得。貴公路遇意何深。傷門六乙加丁上。巧畫丹青雕摹生。杜門如得奇來至。美髯仙家道學精。庚若飛來遇直符。伏干之格事多辜。此時利客不利主。細詳符使亦無訛。加在生門奇不現。擬是挑磚斷磨哥。如在傷門庚在尅。補甕箍桶兩相磨。杜門遇有庚相犯。釘秤緣繩在路途。景門庚在非高出。賣紙縫皮打鐵夫。死門伏子加非利。修綱縵紗負貨奴。驚門庚伏重金器。打錫銅決不差池。開門道吉非爲吉。篋頭按脈自經過。休門庚伏穿人物。摸蟹淘沙水面波。天上太白皆若是。伏干飛干差不多。

占來意法

玉女守門得使奇。兼之三奇逢六儀。此利陰私和合事。斯道通明宜秘之。開休生位六丁來。占者婚姻不許猜。更得陰私多妙事。不然好女自徘徊。傷上玉女例言凶。衙役求醫往向東。妻妾必然是患病。更逢女子帶奸雄。杜門玉女不尋常。婢妾隨逃在路傍。走

進前來問端的。令往南方是那方。景門玉女事何明。女附男肩會有情。更兼酒食多慳暢。和合陰私竟有成。守門玉女在坤方。孀婦攀門望約郎。占事必應妻妾病。一番愁緒一悲傷。星奇玉女到驚門。口舌相爭口舌深。雖有陰親何樂處。必須布置事多逃。直符反首符開處。所問行人必定來。驚門知有何音信。逆旅窮途死乖。景上兵戈多鬪殺。杜門祈禱福安排。傷門捕獵應尋物。休與生門事事諧。飛鳥跌穴利修方。移徙遷居其吉昌。傷門死門俱不利。休生門位兩修良。兩奇臨戌遇生門。天遁月精能蔽形。國事功名從此數。陸遷天遁任遊行。乙奇臨己多開門。地遁日精宜蔽形。田財交易兼坟墓。家宅移來此位亭。休門臨丁號太陰。是爲人遁得星精。合夥求財無外意。門遁三刑是病人。神遁生門與丙奇。九天相合始相宜。消災保福皆能庇。精煉修丹任所行。生門九地合丁奇。開門九天乙共之。丙奇加在艮宮內。鬼遁名之吉可推。選官納壻并六甲。其中從此辨高低。龍遁休門合乙奇。如臨坎位可施爲。造船應尋真的事。試問來人占驗無。虎遁乙奇合庚辛。無凶無吉在休門。步武投戈應遇驗。傷門訪察事非輕。休門開位乙

奇辛。震上逢之。雲遁真。乍雨乍晴。天氣改。異途事業得維新。休生門同日奇來。巽上逢之。風遁排。招安討檢爲決勝。捕捉逃亡。彼既乖。三奇會景合九天。天假祥和格自然。憂處勿憂多喜信。全生避難事無愆。丁己會合杜門中。更得三星天隱宮。財貨不愁連價賣。乃爲地假妙無窮。每事問來多得意。失物尋人無隱踪。六個壬符合九天。驚門人假妙難言。學藝門張皆獲吉。如臨門迫未爲安。丁己癸合在傷門。九地太陰六合真。諸格遇之儘有益。如占病患不宜侵。丁己癸合死門來。三隱宮中事可偕。占問求財并合夥。以凶變吉必生財。休開又與三奇得。臨著太陰是真詐。謀望人求獲大功。彼此相生主勝吉。休門開上會三奇。九地臨之重詐宜。參謁異能有進步。行藏出入總無虧。乙奇加己與加辛。得使三奇可問程。若問奴婢應納寵。不然換一側房人。丙奇甲子甲庚申。吏役公差到我們。繼女繼男多適意。填室來家喜氣盈。玉女得使騎龍虎。得龍偏房續後人。天乙生門合九天。三勝三宮奇可言。出門從此多生發。訪友尋人遇路間。天輔時藏有吉星。官司宜解罪宜深。甲己日逢乙庚申。丙辛日下午臨支。丁壬從辰戌癸寅。赦有

恩澤凶不成。月將加時取太冲。太冲各處日奇逢。此是機關天馬訣。行人遷職竟成功。有難急逃往此下。如山劍戟總無凶。君家如欲行私情。須究天三地四門。天三月四加時取。從魁小吉太冲臨。地四月建除危定。合此時辰私路亨。出行並得地私門。并照奇逢百事寔。借問地私何處起。天乙貴人加貴人。冬至順行陽順數。夏至逆數陰逆行。六合太常太陰處。此是地私多吉星。己上吉格十有八。決人來意細潛心。青龍逃走乙加辛。失脫逃亡問可尋。白虎猖狂辛遇乙。官司戶役可藏行。朱雀投江丁問癸。雞鳴飛怪抑何深。騰蛇夭矯癸加丁。不門更移是病人。丙加庚兮癸入白。交意之中口舌深。庚丙太白入癸惑。盜賊蜂攢在那村。庚加日是伏干。承繼招嗣意有成。庚加天乙爲伏宮。更改移居不同。再臨門迫言身病。白手求財總是空。飛宮之格符加庚。凶險飛來一佈驚。庚加六癸爲大格。遠望行人未轉程。庚加六壬爲上格。六甲生男乾坤尋。庚加六己爲刑格。加景來人擬吉人。丙臨日干悖格。是新娶妻房。是二婚。庚加太歲爲歲格。日月時中總忌庚。天網四張時上癸。舉止行藏必昧心。此是奇門人謹訣。克己窮功應若

神。

射覆

一白。猪肉。酒食。海味。茨蒜地栗。有蒂核之物。數目一六。皂色者。

二黑。野味。牛肉。肚子。甘物。五穀。山羊。竹笋。花生。布棉之類。數八十五之數。黑黃色者。

三碧。竹笋。花木之物。魚肉。果豆。菜蔬。酸味。茶葉。檀香。筆扇。數目四八三之數。色青藍月白。

四綠。禽鳥之類。雞蟲。蔬果。酸味。木花。香繩。繹長。綳之物。數目四五八。青藍色者。

五黃。五穀。野味。牛肉。肚子。甘物。方物。墨布。棉之類。山藥。竹笋。芋花。菇花生。數目五十八。色黃黑者。

六白。馬肉。圓物。木菓。天鵝。虎豹。皮象。珠玉。金銀。數目一六九。色白。赤黃。

七赤。羊肉。魚蟹。美味。金銀。銅廢器。有口物。數目二十九。色白。赤。

八白。狗肉。禽鼠。瓜果。蜆子。甜物。數目五一八。色玄黃。

九紫。雞肉燒炙煎炒之物。龜螺甲胃書紙。數目二七九。苦味色紅紫者。

### 占賊盜敵兵來去

凡占賊盜敵兵來去。先分界限。冬至以後。自坎至巽四宮爲內。自離至乾四宮爲外。夏至以後。自離至乾四宮爲內。自坎至巽四宮爲外。以六庚爲敵人。敵人未至。六庚臨外四宮。敵人已至。六庚臨內四宮。如六庚所臨之宮尅六庚者。主敵人安營不穩。自驚而退。如六庚所落之宮。再乘玄武白虎天篷之神。主敵人來必大戰。頂盤得九天。則大張聲勢。鳴鼓而至。頂盤得九地。則偃旗息鼓而來。如賊已入我境。看何日何時去。六庚在內四宮。主不去。在外四宮則去。總以六甲所落地盤干支。看歲月日時爲來去之期。如太白入癸。雖去賊仍來。然在外界。亦主不來。若癸入白。雖主賊去。總在內限。亦主不去。

### 占賊來否

此時天上奇儀。星門克宮。賊得猖狂。如地盤坐於旺祿得令之宮。賊雖來而我以計勝。若我居失令。逢其相克。謹防所失。如我克他。賊雖見而無害。若上下諸星比和。干支相

生。主不進不退。恐賊暗來。宜埋伏之。

又法以月將加正時。看天罡所在。孟仲季則知其來否。月將即正月雨水後登明亥將之類是也。

來不來	不來	半路來 <small>半</small>	全來	去不去	尙在	半去	全去
出不出	不出	半出	全出	戰不戰	來戰	已戰	欲戰
罷不罷	已罷	欲罷	未罷	利不利	主利	兩傷	利客
何道近	左道	中道	右道	兵被圍	可待	相撞	急去
行不行	未行	欲行	已行				

占賊情虛實

凡占兩家對敵。當定主客。以直符爲主。以六庚爲客。以所落之宮生克論虛實。如賊人會戰和降等情。未知虛實。看主客所落之宮。如庚落宮尅直符落宮。則其情虛詐。如相

生相比。定是真情。來意不敢爲惡。如伏吟。則以六庚本宮與直符本宮生尅看之。如反吟。則來意反覆不常。

### 占伏兵有無

凡占伏兵。當以支干直符直使。用巳申子卯決之。先看直使在何宮分之。又以月將加本時。看直使上有子卯巳申。定有伏兵。再看旺相帶刑。必有大戰。如空亡休廢。雖來不戰。如申巳子卯。不在直使宮上。必定無伏兵。如直使宮有子卯申巳一字。一云直符未。知孰是存疑。如在本時之干。賊在前。如在本時之支。賊在後。以月將加本時。支干相覆。賊當在路之險處邀截。

假如大暑中元陰一局。戊癸日戊午時。天禽爲直符。死門爲直使。俱加一宮巳申子卯。不在符宮上。定無伏兵。

### 占賊臨境城可居否

以干分主客

以直符加時干。爲動爲客。以直使加時支。爲靜爲主。如直符落宮尅時支宮。再乘六庚

玄武。此地不可居。或直使落宮。下克上亦不可居。即被本宮地盤尅是也。或直符宮與直使宮相生比和可居。或相刑尅。直符宮受尅。敵來不能取勝。亦可居。或直使宮神相生比和者。可居。犯門迫者不可居。

占攻城。以六庚主之，太白兵象也，主攻者，天禽在中為受攻者。

看六庚乘旺相得開門。加中五宮。其城可克。又看地盤天禽所落之宮。得旺相吉門者。其將守可擒。得休囚廢沒及凶門者。其守必死。

占守城。以天禽為守，天蓬乘六庚為攻者。

看天禽落宮。得生休景二門。得旺相。又有六丙。其城可守。如無吉門旺相。並再犯天篷六庚加中宮。城不可守。

占援兵。以生我尅被論之。

凡被攻日久。以六庚開門為敵人。以六丙景門為守者。必天禽六丙合生門。或在守者左右之宮。必有援兵。近而且速。若離禽宮遠則遲。如六丙景門休囚受克制。援兵不至。

亦無力。如天篷乘六庚敗氣。攻者不克。守者可守。以兵威在天禽故也。

假如清明上元陽四局。乙庚日丙子時。天禽直符加丙在坤。天英作援兵加離。生禽則火生土。六庚在乾。六宮受天英之克。必援兵大張聲勢。有整兵慎戰之意。攻者有緩攻畏敵之意。可守無虞。

占勝敗

戰陣以景驚二門主之。曰景宜破陣。又曰戰之要法。視驚門。

以直符落宮爲主。以六庚落宮爲客。如直符宮克庚宮。主勝。庚宮克直符宮。客勝。又旺相則勝。休囚則敗。如直符宮得景門驚門。或二門與直符宮相生。主勝。庚宮得景驚二門。或二門與庚宮相生。客勝。如直符與主客相生。必來講和。如直符與庚主客俱乘旺相。景門反相刑克。其勢相等。兩相恐懼。不戰而退。若六庚爲直符。卽爲主客同宮。不分勝敗。又日干加庚主勝。庚加日干客勝。

占聞報虛實

當以時干決其真僞。

看甲乙壬癸四時。聞事皆虛。憂喜俱無。逢戊丙二時。聞憂則虛。聞喜則實。逢丁時則憂。

無大憂。喜無大喜。逢巳庚二時。聞喜則無。聞憂則實。逢六辛時。憂喜平。

六壬以月將加時。看日辰與上神之生克。如相生爲實信。相克主虛信。如朱雀天空臨時臨辰。尤不可信。

### 占來人善惡

六壬以月將加時。神后落處斷之。寅申巳亥良人。子午卯酉商客。辰戌丑未奸惡。細作。

### 占使人探偵

兩家對壘。久無動靜。使人探其消息。既分主客。又當以直使決之。如直使落宮生主宮。去則得力。克主宮生客宮。去必向彼。若克客宮。必探得的實。主生直符宮。雖泄主氣亦吉。客生直使宮。克直使宮。雖泄客氣。亦主彼吉。直使宮自相克制。必不敢去。或途路有阻。旺則稍可。休囚大凶。

### 占行間其地

兩國兵爭。或應用間謀。可以法占之。以直使爲彼國。丙爲自己。庚爲所間之人。以月將

加本時。看丙與直使所得何支。相沖則動。不沖則不動。既已沖動。又看庚直使之乘星。庚旺間之無益。庚星克直使之星者無益。相生者無益。必直使乘星克庚乘星者其術得行也。

### 占詐誘彼墮計中否

敵國相攻。兵不厭詐。以六兵爲己。六庚爲敵。朱雀爲謠言。必朱雀爲落宮。旺相爲地。又要六丙落宮克六庚。或丙生六庚。其詐得行。如庚雖被丙克。在旺相之鄉。或生六丙不在休囚廢沒之地。主半疑半信。丙被庚尅。或生六庚而不旺相者。其術能行。如常人爭訟私鬪類。亦欲行詐誘之法者。日爲自己。年爲長輩。月爲類。時爲晚幼。其占法同。

### 占出兵領餉

出軍討賊。以天輔爲餉司。天冲爲將領。青龍爲餉神。若天輔落宮克天冲宮。有餉不發。天冲克天輔。亦不吉。必兩相生比者發。又看青龍旺相。比生天冲者。其餉必多。落休廢

囚沒其餉不足。

### 占行兵無水

欲知何處有水。以休門下定之。見申爲江河。小吉爲井。太冲爲池塘。六壬以月將加時。

### 占行兵迷路

凡行兵遇深山大林。暮夜迷路。以三定其去向。因三有生。然又爲破軍天馬之象。故云之三避。五八方無阻。或以天罡所落處。行百步外。自遇大路。

天罡加孟在左。加季向右。加仲中行。自得大路。六壬以月將加時。

釋之三避五。假令冬至上元。陽一局。甲己之日。夜半爲甲子時。至平旦爲丙寅時。得此三時爲生氣和百事。故曰之三。至食時爲戊辰時。此五時爲害氣。故凶宜避。

甲日丙辰時。丙火乃甲子孫。是日生時。干爲生氣。又合吉格大利。主至戊辰時。甲木尅戊土。而甲木主爲戊土爲官尅。於時爲死氣。右上千尅下干。門尅宮。故大利客兵。

五符造天關

此十二神將所主

凡出軍行道。住宅。聞鴉鳴鵲噪者。看其從何方來。就占其吉凶而趨避之。

遇五符星方噪。酉上主人送信。諸事吉。又宜駐兵動

遇天曹星方噪。戌上主行征往來。出入吉。一說卦出平。若

遇地符星方噪。甲上主出征有神助。女人報信吉。又主虛驚。三軍憂失。不宜

遇風伯星方噪。甲上宜守舊。遠出行兵。必中虛詐。又主出入憂惶。火

遇雷公星方噪。丑上不宜興兵。遠出。必有二人報信。又必有風雨。陰私

遇雨師星方噪。寅上宜守水戰大吉。又路逢陰雨。

遇風雲星方噪。卯上主有錢財吉慶。不宜先動兵。又宜喚客迎

遇唐符星方噪。辰上主人送財。伏兵。又人馬大勝。一可勝十。

遇國印星方噪。巳上主文書報信。出兵大勝。又主有遷進。改

遇天關星方噪。午上主鬪戰行兵。大凶。又路逢阻滯。因訟

遇地軸星方噪。未上壬主陰人惱亂殺之事。又主人馬不勝，值囚錢穀散失，

遇天賊星方噪。壬申上主口舌爭競官司告事凶。又路逢盜賊，暴風來處，是賊方位，

每日定三門。遇五符唐符國印三位大吉。或出入等事不避凶殺。但得三位者無不吉利。於祿上起五符。二天曹。三地符。照上式順排。至天賊止。

如甲祿在寅。乙卯丙戌巳。一云戌祿辰丁己午。一云己祿戌庚祿申辛酉壬亥癸子。

天曹地符宜守。風伯消息凶。雷公大凶。雨師憂賊至。天關宜追捕。天賊必占賊。遇地軸多逃遁。風雲宜避。

中華民國十四年十一月出版  
中華民國十四年十一月發行

奇門元靈經 (全一冊) 占

每部定價洋二角五分



分售處

校勘者 江甯秦慎安

發行者 文明書局

印刷者 文明書局

發行所 上海棋盤街

發行所 上海棋盤街

北京 張家口 保定 石家莊 濟南 開封 西安 成都  
重慶 長沙 常德 衡州 漢口 武昌 沙市 南昌 九江 安慶

燕湖 南京 杭州 福州 廈門 廣州 汕頭 潮州 雲南 奉天  
吉林 煙台 鄭州 青島 東昌 徐州 臨州 長春 新加坡

中 華 書 局

